



CONC. NAZ.
PROV. DIOC.
162
D
12.
BIB. NAZ. NAPOLI

BIBL. NAZ.
VIT. EMIL. DIO. B.
162
D
12
Napoli

D
~~66-35~~

108

D


67

S Y N O D U S
DIÆCESANA POLICASTRENSIS
IN TRIA CAPITA PARTITA.

Et Nono Kal. Majas 1816.

IN S. CATHEDRALI ECCLESIA HABITA
SUB PRÆSULATU

Fr. Ludovici Ludovici Seraphici Ordinis S. Francisci
 Minorum Observantium in Sacra Theologia Lectoris
 jubilati, Dei Miseratione, & Apostolicæ S. Sedis Gra-
 tia, jam Crotonensis, nunc Policastrensis Episcopi:
 SS. D. N. Pii, Divina Providentia, PP. VII. Præ-
 lati Domestici; ejusque Pontificio Soljo Adstantis;
 Regalis Siciliarum Ordinis Equitis: Terrarum Tur-
 ris Ursayæ, & Castri Rogerii, atque Feudi Selucii
 utilis Domini, ac Baronis &c. &c.



Neapoli 1816. Ex Typographia Barnabæ Cons
Superiorum permissu.



*Bonitatem, & Disciplinam, & Scien-
tiam doce me: quia mandatis tuis credidi*
Psalm. 118.



I N D E X

CAPITUM, ET SECTIONUM.

CAPUT I. <i>De Fide Catholica.</i>	pag. 17
SECTIO I. <i>De fide speciatim.</i>	ibi
SECTIO II. <i>De Hæresi, & de ea sus-</i>	
<i>pectis.</i>	26
SECTIO III. <i>De Doctrina Christiana,</i>	ibi
<i>& Verbi Dei prædicatione.</i>	34
CAPUT II. <i>De Moribus.</i>	47
SECTIO I. <i>De Festorum observantia.</i>	ibi
SECTIO II. <i>De Sacris Jejniis.</i>	55
SECTIO III. <i>De Usura, & Contra-</i>	
<i>ctibus illicitis.</i>	60
SECTIO IV. <i>De Sacramentis in genere.</i>	67
<i>De Baptismi Sacramento.</i>	72
<i>De Confirmationis Sacra-</i>	
<i>mento.</i>	80
<i>De Eucharistiæ Sacramento.</i>	83
<i>De Missæ Sacrificio.</i>	93
<i>De Pœnitentiæ Sacra-</i>	
<i>mento.</i>	104
<i>De</i>	

<i>De Sacramento Extrema</i>	
<i>Unctionis.</i>	124
<i>De Ordinis Sacramento.</i>	131
<i>De Matrimonii Sacra-</i>	
<i>mento.</i>	136
CAPUT III. De Disciplina Eccle-	
sistica.	145
SECTIO I. De Archipresbyteri Cu-	
rati, Cantoris, Vicarii Fo-	
ranei, & Confessariorum	
officio	ibi
<i>De Cantoris Officio.</i>	151
<i>De Vicarii Foranei Of-</i>	
<i>ficio.</i>	154
<i>De Confessarii Officio.</i>	158
SECTIO II. De Procuratoris Officio.	162
SECTIO III. De Presbyterorum Eccle-	
siis receptitiis inservientium officio.	167
SECTIO IV. De vita, & honestate	
Clericorum.	174
<i>Synodi Conclusio.</i>	188
<i>Casus reservati pro Diacesi Polyc-</i>	
<i>castrensi.</i>	194
<i>Breve Compendio della Dottrina Cri-</i>	
<i>stiana.</i>	198
<i>Editto Circolare.</i>	210
	SY.

ERRATA.

Pag. 2	v. 15	Joelis
16	18	Archie- piscopo
ibid.	19	Archie- piscopo
23	23	humani
32	6	admissio
ibid.	7	penas
52	16	ludit
57	2	Ecclesia
60	6	in
61	1	fortunes
63	15	statuto
68	3	abs re
98	1	scripti
100	4	sadim- plenda
121	3	gran e
148	8	specistim
149		§. VI.
150		§. VII.
ibid.	2	fortilegii
156	3	prædicatone
160	6	cordatio- nibus
161	17	at
173	8	non e
178	8	previfus
198	16	Saoto

CORRIGE.

Joelis
Archipresbytero
Archipresbytero.
humani
admissio
poenas
ludis
Ecclesiæ
ut
Fortunas
statuto
abs re
scriptis
adimplenda
grave
speciatim
§. V.
§. VI.
fortilegii
prædicatione
cordationibus
ut
non se
provifus
Santo

*Reliqui errores, si forte irreperint,
relinquuntur Lectori corrigendi.*





S Y N O D I

DIÆCESANÆ INDICTIO.



Nos Fr. Ludovicus Lodovici Seraphici Ordinis S. P. Francisci Min. Observ., in Sac. Theol. Lector Jubilatus, Miseratione Divina, & Apostolicæ S. Sedis Gratia jam Crotonen., nunc Policastren. Episcopus, SS. D. N. Pii Divina Providentia PP. VII. Prælati Domesticus, ejusque Pontificio folio Assistens, Regalis Siciliarum Ordinis Eques, Terrarum Turris Ursayæ, & Ca-

A stri

stri Rogerii, atque feudi Selucii utilis Dominus, & Baro &c. &c.

Quum Nos, quibus licet indignis, ordinatione Divina, grave munus regendi hanc Policastren. Diocesim commissum fuit, animadverteremus, præsentium malitia temporum, fidem scilicet ubique oppugnatam, mores corruptos, & Ecclesiasticam Disciplinam in multis fere extinctam, frigescentem, vel non curatam in aliis: & cogitantes, magno animi nostri mœrore, quale remedium sit maxime opportunum, ut hujus nostræ Diocesis incolumitati occurramus, implorato Dei auxilio, subiit Nobis illud Joëlis Cap. II. V. 15. *Vocate cœtum, sanctificate Ecclesiam, coadunate Jenes.* Quapropter Nos hoc Divino oraculo inspirati, ad Synodum Diocesanam feria III. post Dominicam in Albis, quæ erit vicesima tertia mensis Aprilis currentis anni 1816,

celebrandam impulsu fuimus, ut humanum genus, quod insita peccati labes premit, quantumvis corruptibile, Divinæ gratiæ auxilio, incorruptionem induat, & aper exterminans expellatur de Domini vinea, quam Redemptor pretioso suo sanguine irrigavit. Mandamus ergo Dignitatibus, & Canonicis nostræ Cathedralis Ecclesiæ, omnibusque Curatis, Cantoribus, Vicariis foraneis, & cunctis nostræ Diœcesis, ad quos de jure, vel consuetudine, vel privilegio, Diœcesanæ Synodo interesse spectat, ut dicta die primo mane in hac nostra Cathedrali Ecclesia non deficiant se se præsentare, cum decenti, suoque gradui respondente habitu, exceptis iis, quibus legitima causa impedimento est, quæ a Nobis prius cognosci debeat, aliter pœnas in sacris Canonibus expressas, aliasque arbitrio nostro infligendas haud effugient.

Interea sacerdotes omnes hujus nostræ Diœcesis privatas preces obnixe effundant, & ii, ad quos attinet, publicas preces ex sacrorum Canonum præscripto indicant: ab omnibus nempe singulis feriis V. ad celebrationem usque Synodi fiat sacrum de Spiritu S., vel de Eo collecta, singulis vero diebus festivis de præcepto Archipresbyteri Curati, & sacerdotes omnes nostræ Diœcesis SS. Litanias ante Missam Conventualem cum populo devote recitent, ut Pater Cælestis in misericordia dives consilia, ætiusque nostros, & adspirando prævenire, & adjuvando prosequi dignetur.

Ut in nostra Synodo, quod corrigendum sit, non prætermittatur, nostris Archipresbyteris, & Vicariis foraneis omnibus mandamus, ut quam citius ad Nos referant, & patefaciant omnia mala, & inconvenientia; quæ in suis districtio serpent.

Man-

Mandamus tandem , ut hæc Synodi
nostræ Indictio valvis tam hujus nostræ
Cathedralis Ecclesiæ, quam aliarum Pa-
rochialium Ecclesiarum totius nostræ Dioc-
cesis congruo tempore adfixa maneat, ut
perinde omnes, qui convenire tenentur,
afficiat, ac si cuilibet personaliter inti-
mata fuisset. Datum Policastri die 5.
mensis Martii 1816.

Fr. Ludovicus Episcopus Policastren.

*Franciscus Polito de Rosa Se-
cretarius.*

A 3

ORA.

ORATIO HABITA

*In sessionis initio post Missam solemniter
celebratam ab Illustrissimo, & Rev-
rendissimo Domino Episcopo Po-
licastrensi Fr. Ludovico
Lodovici.*

Quanquam, Ven. Confacerdotes, dile-
ctissimi in Christo fratres, sollicitudo
nostra Pastoralis semper in pascendo, &
custodiendo grege Nobis commisso oc-
cupata fuerit: tamen, ne vitiorum mon-
stra, quæ hodie undique moliuntur eum
destruere, potentiora fiant, visum fuit
Nobis in hunc sanctitatis locum vos omnes
convocare, ut in circuitu mensæ Domini
congregati, Spiritus S. adfidentia, omnia
media sancire possimus, quibus ea depel-
lere valeamus, & ovium nostrarum fi-
des, mores, & Ecclesiastica Disciplina
in-

intacta , & illibata maneant . Atque hæc tria objecta præsentis nostræ Diocesanæ Synodi materiam continent . Nam hujusmodi sacri cætus ad hoc haberi solent , ut fides sit pura , pullulantia scandala succidantur , pravæ consuetudines , si quæ forte emerferunt , extinguantur , gliscenti lasciviæ , licentiæque via omnis intercludatur , & Deo , sanctisque suis debitus cultus , & honos vindicetur . Quare , venerabiles fratres , qui genus electum vocati estis , regale sacerdotium , gens sancta , populus acquisitionis , nolite conformari huic sæculo , sed reformamini in novitate sensus vestri , ut probetis , quæ sit voluntas Dei bona , & beneplacens , & perfecta . Vos igitur in nostri laboris partem acciti , qui simul commissum Nobis gregem pascere , & conservare debetis , prompto , alacrique animo , quicquid in hac Synodo a Nobis præscribitur , susci-

pite; Spiritum induite filiorum Dei, qui idoneos Nos fecit Ministros Novi testamenti, ut servientes Domino non litera, sed spiritu, præceptis vos ipsos subiiciatis, non timore pænæ, sed amore justitiæ, non propter iram, sed propter conscientiam.

Nos ergo agnoscentes nostras infirmitates, ne quis error in hisce nostris Constitutionibus irrepere possit, imploramus Spiritus S. adstantiam, & dicamus: adsis, Divine Spiritus, charismatum dona in Nobis infunde, ut cælestibus flammis incensi, ad sublimia aspiremus, & odio habentes Ecclesiam malignantium, in concilio vanitatis non sedeamus cum impiis, sed in concilio justorum audientes vocem laudis simul ea, quæ opportuna sunt, hoc ipso in loco sanciamus, & quæ sunt sancita, justis operibus perficiamus. Tuque, Divina Parens, fidum salutis nostræ

re-

refugium, & præsidium, univèrsam hunc
cætum benigne respice, votis fave, ceptis
assiste nostris, ut tuo præsidio suffulti,
quod rectum, sequi, quod utile est, &
necessarium, heic statuere possimus, &
una omnes laudemus, & glorificemus
Deum, & Patrem D. N. J. C., qui est
benedictus in secula. Amen.

DECRETUM I.

*De nulli in Synodo præjudicium inferen-
do, vel de ea discedendo.*

Quoniam forte accidere potest, ut quis
aut contra suæ dignitatis gradum vestiat,
incedat, sedeat, vocetur, aut aliquid
agat; ideo sancimus nullum omnino
præjudicium ei inferre, aut novum jus
sibi acquirere, sed omnia in eo statu
permanere, quo erant ante Synodum ip-
sam,

sam, a qua nemo ex illis, qui interesse tenentur, sine nostra expressa venia, audeat discedere, antequam absolvatur Synodus.

DECRETUM II.

De confirmanda Synodo Prædecessoris nostri, & nostra, habita sub die 10.

Aprilis 1804.

Cum multa in hac nostra Synodo sint prætermissa, quia bene tractata in Synodo tam nostra, habita ab hinc duodecim annis quam Prædecessoris nostris fel. rec.; ideo eas confirmamus, & in viridi observantia revocamus in omnibus, quæ præsentī nostra Synodo non sunt abrogata, vel derogata.

DE.

D E C R E T U M III.

De Synodi Officialibus.

Ne in nostra Diocesana aliquid a sacris Canonibus , & præsertim a Conc. Toletano IV. inculcatum , prætermittatur , ideo deputamus , & eligimus hujus Synodi Officiales , ut in ea debito ordine omnia exerceantur. Sunt, ut sequitur.

PROMOTOR SYNODI.

Adm. Rev. D. Laurentius Pignatari nostræ Cathedralis Ecclesiæ Achidiacanus Curatus.

SYNODI SECRETARIUS.

Adm. Rev. D. Augustinus Molinari nostræ Cathedralis Ecclesiæ Canonicus , & in nostro seminario Sac. Theol. Lector.

MAGISTER CÆREMONIARUM.

Rev. D. Franciscus Polito di Rosa noster Secretarius.

Dia-

**Diaconus Gregorius Finamore ejus
coadjutor .**

HOSPITALIUM PRÆFECTUS .

**Adm. Rev. D. Dominicus Menta no-
stræ Cathedralis Ecclesiæ Canonicus Theo-
logus .**

EJUS COADJUTORES .

**Rev. D. Jo. Eboli , D. Vitus Bruno ,
Acolythus Fabritius Pecorelli .**

NOTARIUS SYNODI .

**Rev. D. Franciscus Polito d' Rosa no-
ster Secretarius .**

Judices querelarum , & excusationum .

**Adm. Rev. D. Raymundus Bellotti no-
stræ Cathedralis Ecclesiæ Canonicus De-
canus .**

**Adm. Rev. D. Vincentius Maccarone
nostræ Cathedralis Ecclesiæ Canonicus .**

PROCURATOR CLERI .

**Adm. Rev. D. Ludovicus Giffoni no-
stræ Cathedralis Ecclesiæ Canonicus Præ-
sidentarius .**

DE.

DECRETUM IV.

De Examinatoribus Synodalibus.

Ut Parochiales Ecclesiæ idoneis Parochis provideantur S. T. S. Sess. XXIV. Cap. VIII. eorum examen coram tribus examinatoribus, in Synodo adprobatis faciendum esse sancivit, proptereaue decrevit etiam, ut locorum Ordinarii in Diocesana Synodo saltem sex Examinatores de Ecclesiasticis doctis, benemoratis, & ad hoc habilibus proponat, qui in ea adprobati debent durare ad novam usque Synodum, quamquam ultra annum non habeatur, pariterque ad S. Dei Evangelia jurare, se, postposita quacunque humana adfectione, fideliter munus suum persecuturos. Horum officium erit non solum concurrentium scientiam experiri, verum & eorum ætatem, gravitatem,

tem , morum honestatem , prudentiam , munia antea exercita , aliaque omnia ad Ecclesiæ regimen necessaria inquirere . Sed , ut recte istud officium adimpleri possit , sicut decet ; caveant , ne quid etiam gratis , & sponte oblatum , examinationis causa , vel occasione , sive antea , sive postea recipiant ; alioquin tam ipsi , quam alii dantes Simoniz labe se inficiant . Nos igitur huic T. C. decreto inhærentes , eligimus , deputamus , & Synodo sequentes proponimus .

EXAMINATORES SYNODALES .

Adm. Rev. D. Laurentius Pignatari Archidiaconus Curatus , & Prima Dignitas nostræ Cathedralis Ecclesiæ .

Adm. Rev. J. V. D. Abbas D. Joseph Joachim Miele olim Canonicus Theol. , nunc Cantor , & secunda Dignitas nostræ Cath. Ecclesiæ . A. C.

Adm. Rev. D. Raymundus Bellotti nostræ

stræ Cath. Ecclesiæ Canonicus Decanus.

**Adm. Rev. D. Vincentius Maccarone
nostræ Cath. Ecclesiæ Canonicus.**

**Adm. Rev. D. Ludovicus Giffoni no-
stræ Cath. Ecclesiæ Canonicus Pæniten-
tarius.**

**Adm. Rev. D. Dominicus Menta no-
stræ Cath. Ecclesiæ Canonicus Theol.**

**Adm. Rev. D. Augustinus Molinari
nostræ Cath. Ecclesiæ Canonicus, & in
nostro Seminario Sacr. Theol. Lector.**

**Adm. Rev. D. Franciscus Severini Ter-
ræ Camerotæ Archipresbyter Curatus A.C.**

**Adm. Rev. D. Franciscus Cantisani
Archipresbyter S. Nicolai Civitatis Rivell-
li A.C.**

**Adm. Rev. D. Jo: Angelus Ferrari S.
Mariæ de Podio Rivelli Æconomus Cu-
ratus A.C.**

**Adm. Rev. D. Vincentius Rizzo Ar-
chipresbyter Curatus Civitatis Lacusliberi.**

Adm.

Adm. Rev. D. Rosarius Alberti Ecclesiæ S. Nicolai Lauræ Archipresbyter Curatus.

Adm. Rev. D. Joseph Palazzo S. Joannis ad Pyrum Archipresbyter Curatus.

Adm. Rev. D. Franciscus Crecca Laureæ inferioris Cantor Curatus.

Rev. D. Franciscus Polito de Rosa noster Secretarius.

Rev. D. Clemens Finamore nostri Seminarii Rector.

Rev. D. Blasius Lentini Lauræ superioris Sacerdos.

Placent ne vobis? Responderunt: Placent.

Omnes descripti Examinatores Synodales, exceptis adm. RR. D. Francisco Severini Camerotæ Archiepiscopo Curato, D. Rosario Alberti Laureæ Archiepiscopo Curato, & D. Blasio Lentini, eadem die, serv. serv., juramentum præstiterunt.

GA-

CAPUT I.

DE FIDE CATHOLICA.

SECTIO I.

De fide speciatim.

§. I.

CUM Fides, juxta D. Pauli dictum, sit *sperandarum substantia rerum, argumentum non apparentium; & Sine Fide impossibile sit placere Deo* (Heb. II. 1. 6.); ideo omnibus clare patet, quod ipsa sit Christianæ Religionis basis, & fundamentum.

§. II.

Et quoniam, quæ proponuntur credenda, alia sunt ita necessaria ad æternam salutem, ut, nisi credantur, nullo mo-

B

do

do salus ipsa obtineri possit : alia non ita , sed credi debent , quia præcepta ; iccirco eorum conscientiam oneramus , qui animarum curam habent , ut diligenter , clara , & intelligibili voce populo explicant , quæ sunt necessitate Medii , ut ajunt , & quæ sunt necessitate præcepti fidelibus credenda.

§. III.

Oportet autem , ut hæc fides non solum corde retineamus , sed etiam ore profiteamur ; nam ait Apostolus Paulus : *Corde creditur ad justitiam , ore autem fit confessio ad salutem*. Cui consonat Ecclesiæ præceptum in tot Conciliis repetitum. Quapropter omnium Sacerdotum , & præsertim eorum , qui animarum curam gerunt , grave officium est instruere , omnes fideles teneri , etiam cum vitæ di-

discrimine, ad exterius profitendam eam fidem, quam in corde foveat, & speciatim hisce nostris temporibus, quibus S. Mater Ecclesia amaras lacrymas fundit, ob nova ulcera, quæ a libertinis, incredulis, materialistis, & ab hominibus in omni vitiorum genere, & præsertim lasciviæ corruptis, profunde recepit.

§. IV.

Cum, vero una sit omnium credentium fides, secundum D. Pauli effatum: *Una fides*: ideo proponimus heic fidei formulam, quam edidit Summus Pontifex Pius PP. IV. sua Constitutione, quæ incipit: *Injunctum Nobis*, cui omnes nostræ Diœcesis se conformare debent, & qui beneficium obrinent, cui animarum cura est adnexa, eam edere debent infra duos menses a die captæ possessionis coram

Nobis, vel nostro ad hoc specialiter delegato, sub pœna fructus suos non faciendi. Eamdem sub dicta pœna, ut infra idem tempus emittere tenentur apud Nos, nostrumve Delegatum, & apud Capitulum, qui aliquam dignitatem, vel canonicatum obtinent in nostra Cathedrali Ecclesia, ut a S. T. C. fuit præscriptum. Ceteri autem, qui sunt huic fidei professioni obnoxii, nominantur in dicta Constitutione Pii PP. IV., & a Conc. Trid.

Et quoniam ad hujusmodi orthodoxæ fidei professionem potissimum tenentur illi, qui Synodo Diœcesanæ tam de jure, quam de consuetudine adesse consue-scunt; ideo unusquisque vestrum Nobiscum in Spiritu S. congregatus præscriptam fidei nostræ professionem solemneriter emittere teneatur, simulque S. R. E. semper obtemperaturum spondeat, & ad sacrosancta Dei Evangelia, ut inferius, juret.

Ego

Ego N. firma fide credo, & profiteor omnia, & singula, quæ continentur in symbolo fidei, quo S. Romana Ecclesia utitur; videlicet: Credo in unum Deum; Patrem omnipotentem, factorem calis, & terræ, visibilibus omnium, & invisibilium. Et in unum Dominum Jesum Christum, filium Dei unigenitum. Et ex Patre natum ante omnia secula Deum de Deo, lumen de lumine, Deum verum de Deo vero, genitum, non factum, consubstantialem Patri, per quem omnia facta sunt. Qui propter nos homines, & propter nostram salutem descendit de calis. ET INCARNATUS EST DE SPIRITU SANCTO EX MARIA VIRGINE: ET HOMO FACTUS EST. Crucifixus etiam pro Nobis sub Pontio Pilato passus, & sepultus est. Et resurrexit tertia die, secundum Scripturas. Et ascendit in Calum, sedet ad dexteram

Patris . Et iterum venturus est cum gloria judicare vivos, & mortuos; cuius regni non erit finis . Et in Spiritum S. Dominum, & vivificantem, qui ex Patre, Filioque procedis . Qui cum Patre, & Filio simul adoratur, & conglorificatur: Qui locutus est per Prophetas . Et unam S. Catholicam, & Apostolicam Ecclesiam . Confiteor unum baptisma in remissionem peccatorum . Et exspecto resurrectionem mortuorum . Et vitam venturi seculi . Amen . Apostolicas, & Ecclesiasticas traditiones, reliquasque ejusdem Ecclesiæ observationes, & constitutiones firmissime admitto, & amplector .

Item Sacram Scripturam juxta eum sensum, quam tenuit, & tenet S. Mater Ecclesia, cuius est judicare de vero sensu, & interpretatione sacrarum Scripturarum, admitto: nec eam unquam, nisi juxta unanimum consensum Patrum accipiam, & interpretabor .

Pro-

Profiteor quoque septem esse vere, & proprie Sacramenta Novæ Legis a J. C. D. N. instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem, & Matrimonium; illaque gratiam conferre, & ex his Baptismum, Confirmationem, & Ordinem sine sacrilegio reiterari non posse. Receptos quoque, & approbatos Ecclesiæ Catholicæ ritus in supradictorum omnium Sacramentorum solemni administratione recipio, & admitto: omnia, & singula, quæ de peccato originali, & de justificatione in S. T. S. definita, & declarata fuerunt, amplector, & recipio.

Profiteor pariter, in Missa offerri Deo verum, proprium, & propitiatorium Sacrificium pro vivis, & defunctis; atque in SS. Eucharistiæ Sacramento esse vere,

realiter, & substantialiter Corpus, & Sanguinem una cum anima, & Divinitate D. N. J. C., fierique conversionem totius substantiæ panis in Corpus, & totius substantiæ vini in Sanguinem, quam conversionem Catholica Ecclesia transubstantiationem appellat.

*Fateor etiam, sub altera tantum specie totum, atque integrum Christum, verumque Sacramentum sumi. Constanter teneo Purgatorium esse, animasque ibi de-
tentas fidelium suffragiis juvari. Similiter & Sanctos una cum Christo regnantes, venerandos, atque invocandos esse; eosque orationes Deo pro Nobis offerre: atque eorum reliquias esse venerandas. Firmissime assero imagines Christi, ac Deiparæ semper Virginis, nec non aliorum SS., habendas, & retinendas esse, atque eis debitum honorem ac venerationem impertientem. Indulgentiarum etiam potestatem a
Christi-*

Christo in Ecclesia relictam fuisse ; illarumque usum Christiano populo maxime salutarem esse affirmo . Sanctam , Catholicam , & Apostolicam Romanam Ecclesiam , omnium Ecclesiarum matrem , & magistram agnosco ; Romanoque Pontifici B. Petri Apostolorum Principis successori , ac Jesu Christi Vicario veram obedientiam spondeo , ac juro . Cetera item omnia a sacris Canonibus , & Œcumenicis Conciliis , ac præcipue a S. T. S. tradita , definita , & declarata indubitanter recipio , atque profiteor : simulque contraria omnia , atque hæreses quascunque ab Ecclesia damnatas , & rejectas , & anathematizatas ego pariter damno , relicto , & anathematizo . Hanc veram Catholicam fidem , extra quam nemo salvus esse potest , quam in præseni sponte profiteor , & veraciter tenco , eandem integram , & inviolatam , usque ad extremum visæ spiritum , constan-

Antissime, Deo adjuvante, retinere, & confiteri, atque a meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum. Ego idem N. spondeo, voveo, ac juro. Sic me Deus adjuvet, & hac S. Dei Evangelia.

S E C T I O II.

De Hæresi, & de ea suspectis:

§. I.

Cum tria ad hæresim constituendam requirantur; error nempe in intellectu, pertinacia in voluntate, ac Fides in eo, qui errat; facile ab omnibus intelligitur, quod Hæresis sit error in intellectu voluntarius, & .pertinax contra aliquam Fi-

Fidei veritatem in homine , qui fidem
recepit .

§. II.

Et quoniam ubique grassantur homines , qui sacro Baptismatis fonte regenerati non solum aliquam fidei veritatem negant , vel contra unanimum SS. Patrum consensum de ea diverse sentiunt ; quorum primi Hæretici , secundi suspecti de Fide vocantur , sed etiam qui toti Fidei abrenuntiant , qui & Apostatæ dicuntur ; idcirco omnibus mandamus , & præsertim iis , qui curam animarum habent , ut ad Nos depuntient post adhibita remedia , quæ sunt in eorum manibus , (paternam scilicet correptionem , & alia id genus) istos perversos homines , qui tanquam lupi rapaces , Domini gregem destruere moliantur , ut Nos opportunis remediis a Deo acceptis , & si non sufficiant , im-

impetrato etiam forti brachio laicali , a Christi ovili eos depellere possimus , & sic eorum caput conterere.

§. III.

Ut autem medium potentissimum , quo istud viperarum genus Christi , ovile veneno inficere optat , e manibus evellamus , omnibus nostræ Diœcesis fidelibus tota nostra auctoritate mandamus , ne unquam libros hæreses continentes , vel mores bonos corrumpentes legant , nec apud se retineant , nisi prius , cum nostra adtestatione de moribus , & scientia , debitum permissum a S. Sede obtinuerint. At vero quia non desunt hisce nostris temporibus homines ita corrupti , & depravati , ut has prohibitiones deridentes , & Ecclesiasticam potestatem contemnentes , duro , obstinatoque animo legere ,
re-

retinere, & divulgare hujuscemodi libros volunt; ideo mandamus omnibus Archiepresbyteris Curatis, & Vicariis nostris Foraneis, ut infra duos menses ad Nos referant præfatos homines, tanquam de Hæresi suspectos. Mandamus pariter omnibus nostræ Diœcesis Confessariis, ut suos pœnitentes obligent ad istos denunciandos apud Nos intra spatium duorum mensium; secus eis denegetur absolutio. Nos autem utentes prius salutaribus remediis, quibus S. Mater Ecclesia utitur, vocando ad Christi ovile oves errantes, postea si Pastoris vocem audire noluerint, non sine animi nostri mæore ad illa remedia veniemus, quæ Sacri Canones, & Leges Civiles in manibus nostris posuere.

§. IV.

Parum ab hæresi distant vanæ Observationes , fortilegia , Divinationes , & alia detestabilia superstitionum genera , quibus perditæ homines fraudum artifices morbos repellere , armorum ictus inanes reddere , thesauros latentes detegere , & alia hujusmodi se præstare profitentur ; idcirco mandamus omnibus animarum Pastoribus , ut fideles sibi commissos moneant, eos tanquam hæreticos, vel de hæresi suspectos esse denuntiandos, juxta Leonis X., & Pii V. Constitutiones.

§. V.

Et quia in hisce nostris temporibus undique grassatur ; & serpit nocturna illa , & secreta societas, seu unio , a seculi Principibus proscripta, & ab Ecclesia

fia

fia damnata , utpote creditur tendens ad
 veræ Christi Ecclesiæ , & Principatum
 subversionem ; ideo Nos inhærentes con-
 stitutionibus , & edictis summorum Pontifi-
 cum Clementis XII. , Benedicti XIV. ,
 Pii VI. , & Pii VII. ; nec non edictis
 olim nostri Regis Caroli III , ac novis-
 simis dispositionibus August. Regis nostri
 Ferdinandi IV. , quem Deus semper in-
 columem reddat , aliorumque Regum , &
 Europæ Principum , mandamus Archi-
 prebyteris Curatis , & Vicariis nostris
 Foraneis , aliisque , quorum interest , ut
 pro viribus operam dent præservando
 gregi adhuc incolumi , & in Domi-
 no curent errantem reducere ad ovile ,
 nempe ad Ecclesiæ sinum , extra quam
 nulla est salus . Sciant ipsi Archipresby-
 teri Curati , Vicarii Foranei , & Confes-
 sarii nulla se facultate pollere enuncia-
 tis societatibus utcumque irretitos absol-
 ven-

vendi, nisi in articulo mortis, utpote Romano Pontifici reservatam culpam hanc scimus. Animadvertant tandem futilem, vanam, & nullam esse excusationem eorum, qui nil mali committi asserunt; namque sufficit sola admissio, sola receptio, ad dictas uniones, ut in penas Canonicas, & Civiles incurrant.

§. VI.

Cum detestabile blasphemiae scelus sit vel hæreticale, vel simplex, ideo ut affine Hæresi hoc loco de eo verba facimus. Teterrimum hoc vitium factum est tam familiare, ut etiam in puerorum ore execrabilia dicta audiantur, ne dicam de fæminis, & viris adultis, qui fere in omnibus suis locutionibus, ut energicam vim iis imprimant, plures blasphemias, & laida dicta eructant: Nos igitur, ut hoc monstrum a nostra Diœcesi depellamus,

mus, quod, suo venenato ore, quasi omnes ad orcum rapit, volumus, ut Archipresbyteri Curati, Concionatores, & Sacerdotes cuncti infectentur hoc scelus, & si noverint, aliquem edidisse hæreticalem blasphemiam, ad Nos denuntient tanquam hæreticum; Confessarii vero, si audierint in Confessione aliquem ita blasphemantem, & speciatim venerandum Dei nomen, Jesu Christi, vel B. Virginis, eum nunquam absolvant, quia eorum judicium ad Nos est reservatum. Insuper non absolvant pœnitentes, qui in blasphemia simplici sunt habituati, & parentes, & dominos, qui ante filios, vel famulos blasphemant, vel dum filii, & famuli blasphemant, eos acriter non corrigunt; pariter non absolvant eos, qui cauponas, Ludos, & alia loca, & negotia continuant, quæ possunt esse blasphemandi motivum. Et si tamen isti perditii ho-

mines nolunt se ad Deum convertere, & a suis sceleribus retrahere, ad Nos denuntient, Archipresbyteri Curati, & Vicarii nostri Foranei, ut mediis tam nostris, quam politicis possimus in eos animadvertere.

SECTION III.

§. I.

De Doctrina Christiana, & Verbi Dei predicatione.

Quoniam quæ sæculi sapientibus, & prudentibus abscondita erant de Christi Domini Incarnatione, Deo placuit parvulis revelare; facile quisque videt, præcipuum Dominicæ Missionis munus esse, pauperibus, & pueris sapientiam præbere; & quia vel desidia, vel præsumptione, vel eorum commoditate, qui curam anima-
rum

rum sustinent, hoc præstantissimum Offici-
um parum, vel nil curatur; existimant
enim aliqui, esse nescio quid vile fran-
gere panem, dum pueri eum quærunt,
quapropter aliis Presbyteris, vel Clericis
committunt docere eos Fidei rudimenta
Nos ideo, ut istis malis occurramus,
S. T. C. sanctionibus inhærentes expressæ
præcipimus, quæ sequuntur.

§. II.

I. Mandamus, ut omnes, quibus est
animarum cura, singulis diebus Domini-
cis, solummodo exceptis Palmarum, Pa-
schatis, & Pentecostes; pueros, puellas-
que Fidei rudimenta per se, & non per
alios Presbyteros substitutos edoceant, nisi
legitimo aliquo impedimento detineantur.
Sin vero ipsi hæc nostras sanctiones ni-
hili existiment, quod absit, & parum

curent hanc potissimam Officii sui partem, ita ut in culpabili desidia, & presumptione, perseverare velint, præter severissimum Dei judicium, noverint etiam subituros fore graves Ecclesiasticas pœnas, & Censuras, quas, pro ratione culpæ infligere haud omittemus.

§. III.

2. Pueri, & puellæ, peculiari campæ signo, hora pomeridiana convocati, ab animarum Rectoribus distribuuntur in classes, hinc mares, illinc femellæ, & saltem unius integræ horæ spatio in præcipuis Christianæ Fidei capitibus eos erudiant. Ad hoc perutile Officium exercendum, uti possunt libello a doctissimo Cardinali Bellarmino, jussu Clem. VIII. edito, ut Doctrinam Christianam una, eademque ratione populus profiteatur.

No.

Noverint præterea animarum Archipresbyteri Curati, quod ipsi non sint ab hoc munere immunes, etiam si adsint alii, qui vel pietate, vel instituto hoc opus studiose exercere videantur.

§. IV.

3. Studeant iidem Curati, ut in aliquo libello descripta habeant nomina, & cognomina puerorum, qui Doctrinæ instructioni interfunt, ut assidui imaginibus, aliisque munusculis alliciantur. Qui vero deficiunt, vel interesse negligunt, corrigantur. Ab ista correctione eorum parentes non sint immunes, nisi omni possibili modo procurent filios ad Christianæ Doctrinæ instructionem mittere, ut sic suis obligationibus satisfacere possint.

4. Sed quia reperiuntur etiam adulti, quos rerum Divinarum ignaros in puerorum numero se habere pudet; mandamus idcirco omnibus Sacerdotibus, qui in Oratoriis, tam urbanis, quam privatis sacrum faciunt, & iis, qui primam in Parochialibus Ecclesiis Missam celebrant, ut singulis Dominicis populum diligenter, patienterque erudiant juxta formulam a Nobis typis mandatam, & in hujus Synodi calce expositam. Si quis ex Sacerdotibus munus istud tam perutile negligere audeat, eos animarum Rectores, quorum conscientiam oneramus, ad Nos referant, ut opportunois remediis gregis nostri necessitati occurramus.

§. VI.

5. Animarum Curati omnem diligentiam adhibeant, ne conjugant in matrimonium, nisi eos, qui Christianam Doctrinam callent, prævio eorum diligenti examine, sine personarum acceptione. Non admittant pariter ad Patrini, vel Matris Officium, nisi ad id noverint idoneos.

§. VII.

6. Cum Verbi Dei prædicatio sit huic adfinis, de ea idcirco hoc loco statuimus, aliqua obiter pertractare. Noverint igitur omnes animarum nostræ Diœcesis Rectores, hoc prædicandi verbum Dei munus ita esse eorum curæ intrinsicum, ut nunquam possint illud prætermittere: nam si quis de grege sibi commisso pereat, sanguinem ejus de manu ipsorum

requireret Dominus, teste Ezechiele: *si non locutus fueris impio, ut custodiat se a via sua, sanguinem ejus de manu tua requiram.* Et quoniam fidelis populus audire nequit, sine prædicante: *Fides enim ex auditu, auditus autem per Verbum Christi;* propterea Nos Curatis omnibus præcipimus, ut singulis Dominicis, aliisque anni solemnitatibus gregem suum assidue inter Missarum solennia Divini verbi pabulo reficiant, gravi tamen, sed simplici, vulgari, ac intelligibili sermone, ut fidelis populus ad Christianæ virtutis studium accendatur, ad vitia vero declinanda conetur, & speciatim ad illa evitanda, quæ magis grassari videntur. In explicando Divini Evangelii textu rationes, quæ in ejus confirmationem afferuntur, ex sacris scripturis, SS. Patrum testimoniis, Ecclesiasticæ Historiæ exemplis, probatis auctoribus desumantur. Si

ra-

tamen aliquis eorum, sine legitima causa, id per substitutum, & non per se agere præsumpserit, vel neglexerit, sciat, se, ad Canonum normas, & S. T. C. sanctiones, fore plectendum.

§. VIII.

Præter animarum Rectores, nullus ex Sacerdotibus sive sæcularis, sive regularis sit, Sacri Concionatoris munus sibi adrogare audeat sine nostra speciali facultate, & adprobatione gratis concedenda. Verum si regulares in sui Ordinis Ecclesia conciones habere velint, id nunquam faciant sine superiorum suorum licentia, & petita a Nobis prius benedictione; aliter in pœnas, & Censuras in Sacris Canonibus, & Constitutionibus, promulgatas incident.

§. IX.

§. IX.

Qui in aliquo oppido , vel civitate
 Quadragesimali tempore sunt Concionato-
 res destinati , antequam munus suum ad-
 grediantur , coram Nobis se fistant , ut
 opportuna , & salutaria monita accipere
 possint. Eos tamen in Domino hortamur,
 & summo opere obsecramus , ut , in isto
 sacro munere explendo , Dei verbum an-
 nuntiare studeant , non in persuasibilibus
 humanæ sapientiæ verbis , sed in osten-
 sione spiritus , & virtutis. Pro laboribus
 suis humanas Laudes haud recipere qua-
 rant , gloriam suam non in ore hominum
 ponant , sed unice Dei gloriam , & ani-
 marum salutem exoptantes Jesum Chri-
 stum , & hunc Crucifixum prædicent.

§. X.

§. X.

Concionatores omnes in Christo monemus, ut a jocis, fabulosis narrationibus, falsis, & commentitiis interpretationibus, apocryphis historiis, falsis miraculis, personis fictis, simulacris fictitiis, aliisque spectaculis se omnino abstineant. Explicent, & non corrumpant, genuinum Sacrae scripturae sensum, &, si opus fuerit, sola Cruce, vel Crucifixi imagine utantur. In vitiis vero objurgandis nunquam personas nominent, vel ad particulares circumstantias descendant, unde auditores ad fontis cognitionem venire possint. Mandamus interea omnibus Archipresbyteris Curatis, & Vicariis Foraneis, ut si nonnulli Concionatores, quod Deus avertat, non se præbeant exemplum bonorum operum in doctrina, in integritate, & gravitate, & tanquam Christi

Mi.

Ministros, & Myſteriorum Dei diſpenſatores, ſtatim ad Nos referant, ut opportunis remediis occurramus.

§. XI.

At quia inimicus homo, dum Dei ſeminatur verbum, molitur zizabia ſuperſeminare, hinc curent noſtræ Diœceſis Parochi, ut populus optimam Concionatoris opinionem concipiat, & ut tabernæ, & Officiæ concionis tempore claudantur. Operam pariter navent, ne unquam conciones habeantur tempore nocturno. Cum vero prædicatur, a mulieribus ſegregati ſint viri, & in Dei Eccleſia evitentur quæſcunque conſabulationes. Et quoniam, ubi non eſt auditus, fruſtra effunditur ſermo, ideo omnes de grege noſtro fideles in Domino paterne obſecramus, ut Divinum hoc pabulum

lum semper anhelantes, eodem, quo sapius poterunt, reficiantur. Quapropter in toto Quadragesimæ cursu, in Adventu, Dominicis, aliisque festivis diebus pie, reverenterque sacris concionibus interesse haud præmittant. Parentes autem, & domini, quibus in Christo id commendamus, magis exemplo studeant, quam cohortationibus filios, ac domesticos ad Dei verbum audiendum commovere. Si enim negligentes erunt, gravissimam apud Deum rationem, se fore reddituros comperiant.

§. XII.

Rogamus denique prædictos verbi Dei præcones, ut suis expletis muneribus, per se ad Nos accedant, ut ita reddere possint rationem de omnibus iis, quæ pro æterna gregis nostri salute agenda esse in Domino judicaverint, & speciatim

No-

Nobis aperire , in quo statu invenerunt, & quomodo reliquerunt animas illius loci, ubi Dei verba feminavere. Quæ sint vitia in eo dominantia, quæ odia, qui contractus usurarii, & iniusti, quæ dissensiones inter familias, an sint divortia inter conjuges, & cetera tandem, quæ sunt notatu digna, ut Nos ad remedia, quæ efficaciora sint, deveniamus. Caveant, ne hoc facere omittant; secus eorum conscientiam coram Deo oneramus, si gregis nostri morbi non curantur, aut tractu temporis increbescant.

§. XIII.

Cum Fides, ut ait D. Jacobus, sine operibus mortua sit, iccirco, expleto capite de Fide Catholica, oportet gradum facere ad caput de moribus, ut vestris bonis actionibus, & operationibus, Divinæ gratiæ auxilio, eandem vivam, & fructiferam facere possitis.

CA.

CAPUT II.

DE MORIBUS.

SECTIO I.

De festorum observantia.

§. I.

QUanquam Deus, supremus omnium conditor omni tempore in spiritu, & veritate sit colendus; aliquos tamen dies sibi reservavit quos speciali præcepto, voluit sibi esse dicatos. In veteri lege ob memoriam mirabilium, quæ fecit, sabbatum sibi elegit; in cujus locum diem Dominicum substituerunt Apostoli, ut quod Judæi in figura, nos in veritate celebremus, propter majora beneficia nobis collata. Præter dies Dominicos, alios quoque dies festos constituit

tuit Ecclesia, ut Deus pariter in sanctis suis coleretur. Verum quoniam his sacris diebus multos fideles vitiis, & sæculi negotiis indulgere observamus; hinc, ne festa, solemnitatesque nostras, ut olim synagogæ, detestetur Deus, quædam ex nostro Pastoralis munere præscribenda statuimus.

§. II.

Mandamus ergo Curatis omnibus, ut quot dies festos in hebdomada incidant, inter Missarum solemnia, & specialiter in auroræ Missa populum ad Divina congregatum certiores faciant, eumque ciant ad festa celebranda peculiari campanæ signo, ad hoc designato.

§. III.

Studeant præterea iidem animarum Rectores, quomodo dies Dominicos, aliosque dies festos ab iis, qui sub sua cura reperiuntur, observari oporteat. Proinde quam maxime eos erudiant illa, quæ agenda, vel omittenda sunt, quæ nempe in cessatione ab operibus servilibus, & in Christianæ pietatis exercitiis sunt posita.

§. IV.

Sed quia opera servilia triplicis sunt speciei, ut D. Thomas loquitur, nempe opus servile Religiosum, quod Deo famulatum præstat; Vitiosum, quod peccato servit, & Mechanicum, quo homo aliis hominibus inservit; proindeque animarum Rectores clare, & distincte po-

D

pulo

pulo explicent, quæ opera servilia sint prohibita, & quæ sunt permiffa, ut opus Religiofum agere poffit, & vitare vitiofum, teſte Joanne Cap. VIII. v. 34. : *Omnis, qui peccatum facit, ſervus eſt peccati.* Similiter Parochi explicent populo ſibi commiſſo, ut Mechanica opera omittantur; ſe autem in materia tam extenſa, quia varias complectitur actiones, obſcuritas aliqua oriri poſſit, ideo bene legant Theologiæ moralis auctores, ut in re iſta tam ſeria, quæ hodie negligitur ita, ut omnia negotia diebus feſtivis reſerventur, poſſint palam facere animabus ſibi concreditis, quæ permittantur, & quæ a lege prohibeantur.

§. V.

Quanquam variæ numerantur cauſæ, uti Neceſſitas, Pietas, Caritas, publica
uti-

utilitas, & legitima consuetudo, quæ possunt movere superiorem ad permittendum, ut die festo opera servilia necessaria fieri possint, tamen, ne sub istis causis corruptelæ, vel abusus occultentur, Parochi omni caritate, & diligentia eas explanent, ut fidelis quisque agnoscere possit, quænam sint veræ causæ ad hanc dispensationem obtinendam. Nemo autem a se dispensare potest, & si istæ causæ concurrant. Quæ propter volumus, nullum sine nostra licentia, vel nostri Vicarii foranei, cui hanc facultatem committimus, posse opera servilia prohibita die festo peragere, quæ gratis conceditur, sub istis tamen conditionibus, scilicet, ut præceptum de audiendo Sacro impleatur, & si quid utilitatis, vel lucri inde percipiatur, aliqua portio in pauperum solamen erogetur. Qui autem sine iustis causis, & debita licentia dies

festos operibus servilibus profanare audent, noverint, se, præter Divinam indignationem, pœnas quoque, secundum Regni nostri Politiam incurrere.

§. VI.

Explicatis operibus servilibus, quæ in die festo cessare debent, operæ pretium est, ut Parochi populum edoceant, quibus Christianæ pietatis exercitiis vacandum sit, accurate exponentes, quam maximi momenti sit illud Divinum mandatum. *Memento, ut diem Sabbati sanctifices.* In cujus explicatione adhibere possunt monita Bened. XIV. qui ad rem sic ait. *Dies festi non ad id instituti sunt, ut Christianus populus epulis, ebrietatibus, ludis, spectaculis, aliisque hujus generis licentiis vacet; sed ut fideles in precibus, Divinisque laudibus frequentes*

Et assidui sint, ut Ecclesiis intersint, ut Sacramenta ad Animæ curationem instituta adhibeant, seduloque se exercent in iis operibus, quæ veram pietatem continent, Et ut SS. una cum Christo regnantes, tanquam Patronos congruis officiis, Et honoribus prosequantur. Quapropter præcipimus, cauponas, & tabernas, unde ebrietates, rixæ, blasphemix, homicidia, aliaque hujusmodi ortum ut plurimum habent, esse clausas; dum Divinum Officium, Missa Parochialis, sacra concio, Christiana Doctrina, Vesperæ, aliaque publicæ functiones in Ecclesia peraguntur.

§. VII.

Prohibemus pariter omnia, quæ dies festos profanant, ut sunt in viis publicis, & plateis chartarum ludi, & quæcunque

scenica artificia, & comedix, etiam in privatis domibus, item chorex, saltationes, larvarum simulationes, sonitus, cantusque profani, aliaque postremo similia, quæ esse possunt causa, & origo peccati.

§. VIII.

Populus equidem, quia magis exemplo, quam exhortationibus, rationibusque ad pietatem excitatur; ideo omnes viros ecclesiasticos in Domino hortamur, ut diebus festis Divinis Officiis, sacrisque aliis functionibus devotè intersint, ut suis exemplis populus fidelis dies Deo dicatos debita religione observet.

S E C T I O II.

De sacris Jejniis.

§. I.

Cum S. Mater Ecclesia semper speciali Sp. S. adfistentia conata sit, ne caro adversus spiritum reluctaret, & ut animus ad ea, quæ Dei sunt, alacriter asurgeret; ideo Jejunii legem sancivit, ut fidelium animos præpararet ante dies festos, qui sunt instituti vel ad præcipuorum Religionis nostræ Mysteriorum, vel Beatissimæ Dei Matris, vel aliorum SS. cum Christo in coelis regnantium memoriam pie recolendam.

Sed quoniam in præsentis sæculi decursu, non sine magno animi nostri dolore observamus, non solum hæc ab Ecclesia sancita Jejunia, sed etiam illud Quadragesimale Jejunium parum, vel nil observari, quod horrendum est, nam in lege, & Prophetis fuit adumbratum, exemplo Domini Nostri J. C. consecratum, ab Apostolis traditum, ab Ecclesia in variis Canonibus præscriptum, & ut ait Bened. XIV., universali consuetudine receptum: idcirco mandamus Curatis omnibus nostræ Diocesis, ut sæpius, occurrente opportunitate, populo explicent, quomodo observanda sint, & præsertim a quibus cibis abstinendum sit, quæ sit unica commestio, & quæ ejus hora; quoniam hæc tria Jejunii observantiam constituunt.

§. III.

Non solum animarum Curati expli-
cent Jejunium, quod, juxta Ecclesia
regulas servari debet, sed etiam magno-
pere fidelibus inculcent, abstinentiam ab
iniquitatibus; & illicitis sæculi volup-
tibus, quæ abstinentia a D. Augustino
magnum, & generale Jejunium adpellatur.

§. IV.

Ad sacri jejunii legem tenentur omnes,
qui vicesimum primum ætatis suæ annum
expleverint, adeoque a lacticiniis, ovis,
& carne jejunii tempore abstinere debent,
non exceptis omnibus Quadragesimæ Do-
minicis, quæ abstinentia sub gravi obli-
gat a primo septennio jam expleto. In
refectioncula serotina tam cibi qualitas,
quam quantitas præ oculis habeatur. Ci-
bi,

bi, quos in hujuscemodi collatione serotina consuetudo permittit, statuti sunt apud Theologos, quapropter ex quovis cibo indiscriminatim nemo prædictam refectiunculam sumat. Plures sunt causæ, quæ a gravi jejunii lege excusant. Itaque volumus, Curatos omnes clare, distincteque suis Parochianis, præsertim rudibus explicare causas a jejunio excusantes, ne in re tam gravi, & tam salutari se se decipiant.

§. V.

At quoniam hisce nostris temporibus infirmitatis pallio a jejunii lege, quasi omnes se eximere cernimus, idcirco mandamus cunctis nostræ ditioni subjectis, ut nunquam jejunantes cibis vetitis, infirmitatis causa, utantur, nisi utriusque Medici consilio facultatem habuerint, quæ ob.

obtentā, in eadem mensa vesci nequeunt carne, & piscibus, sed in ceteris jejunii leges servare debent, prout statuitur in Apostolicis Constit., & præsertim Litteris Encyclicis Bened. PP. XIV., & Clem. XIII. Hortamur interea prædictos Medicos, ne sint tam faciles in concedendis hujusmodi facultatibus, sed caute se gerant, & sine personarum acceptione ita, ut solummodo iis indulgeant, qui vere quadam laborant infirmitate, & consequenter nequeunt, se abstinere a cibis vititis sine positivo salutis detrimento. Hi tamen ad unicam tenentur commessionem, & nequeunt eam sine causa pervertere, nec extra ipsam commessionem, in meridie faciendam, poriones lacte permixtas, aut aliquid a carne originem habens sumere præsumant.

§. VI.

Qui in hoc Regno Bullam Sanctæ Cruciatæ accipiunt vesci possunt cibis esurialibus, lacticiniis, ovis, & obsoniis larido conditis, præterquam in serotina refectiuncula. Christiani igitur, qui recensita Bulla fruuntur, jejunii in ceteri, lege tenentur, & si lucrari velint tam pro vivis, quam pro defunctis Indulgentiarum thesaurum, operas, ut ajunt, iunctas adamussim complere satagant.

S E C T I O III.

De Usura, & contractibus illicitis.

§. I.

Cum omne lucrum immediate ex mutuo proveniens usura vocetur; quæ non
fo.

solum animos, sed & usurariorum fortunes devorat; unde merito Divina, humanaque lege fuit proscripta: hinc existimavimus, hoc horribile monstrum esse a nostra Diocesi eliminandum; ut fideles nostræ curæ concrediti thesaurizare super terram non studeant, ubi ærugo, & tinea demolitur, sed thesaurizent sibi thesauros in Cælo, ubi fures non effodiunt; nam sic plene beati evadunt, quia pecuniam suam non dederunt ad usuram, & munera super innocentem non acceperunt.

§. II.

Enimvero qui usuram exercent, varia invenere subterfugia ad eandem cohonestandam, vel sub alicujus contractus pallio illam regere meditantur; ideo ex Pastoralis nostri munere declaramus nullatenus esse licitam usuram, de qua verba

ba facimus, juxta illud Christi oraculum: *Mutuum date, nihil inde sperantes*, ita ut neque ex pacto non exigendi mutuum intra aliquod tempus, neque ex numerata pecunia præsenti, neque ex benevolentia, & gratitudine debita aliquid ultra sortem mutuans exposcere potest, excepta tamen sola lucri cessantis, & damni emergentis ratione, quas reddit mutuantem indemnem ad id, quod interest.

§. III.

Declaramus præterea, omnes contractus, conventiones, & pactiones, in quibus non reperitur æqualitas, esse injustos, usuræ labe infectos, vel de ea suspectos. Adeoque qui dant vinum, frumentum, oleum, vel aliquod simile, ut tempore definito restituantur cum auctario, vel quan-

quando mensuræ traduntur abrafæ , & postea exiguntur cumulationes , usurarii sunt censendi . Item sunt etiam usurarii , qui ob anticipatam solutionem emunt minoris justo ; vel ob eam dilatam plurius justo vendunt ; hi usuræ labem non effugiunt . Qui convertunt usuras in capitale ita , ut pro una mensura tritici , vel olei variis labentibus annis plures , puta decem , viginti , & ultra exiguntur . Declaramus pignus cum pacto *anticri-*
seos, vulgo *contratto a godere* injustum , & iniquum ; nam pignus , quod revera plus valet , quam ipsum mutuum tamquam emptum censetur a creditore , nisi statuto tempore fiat restitutio . Item contractus , ut ajunt ad caput salvum , in quibus fors semper salva manet , & quævis monopolia , sunt etiam contractus usurariis censendi .

§.IV.

§. IV.

Qui census reales , vulgo Bullares faciunt , caveant , ne usuras convertant in capitale , vel ne retineant usuras in actu celebrationis contractus , sed in omnibus se conformare debent Constit. Nicolai V. in Regno nostro jam receptæ , si usuras evadere optant .

§. V.

Laboris infiniti esset recensere heic singulos contractus , qui palliatas usuras continent & quas humana versutia in dies meditatur . Quocirca omnes animarum Rectores , & Confessarios monemus , ut in Sacramentali foro , dum contractus audiunt , accurate disquirant , num sint illiciti , vel usuræ labe infecti , & si res videatur anceps , absolutionem differant ,
do-

donec proprio studio , & oratione , vel
peritorum consilio veritatem acquirant .
Pœnitentes autem , qui male partam pe-
cuniam restituere nolunt , non absolvantur .

§. VI.

Si detestabile vitium hoc a laicis est
magnopere fugiendum , quo magis a Sa-
cerdotibus , quorum vita debet esse inte-
gra , & omnis sceleris pura tanquam alio-
rum speculum ? Quapropter si , quod ab-
sit , in nostra Diœcesi réperiantur Sacer-
dotes usuras exercentes , vel negotiationi ,
& contractibus veritis dediti , mandamus ,
ut Vicarii Foranei statim eos ad nos re-
ferant , ut debitas pœnas dent .

Et ut fideles omnes nostræ Dieceſis
 cane pejus , & angue , uſuras fugiant ,
 non abs te ſtatuiſmus heic in eorum me-
 moriam reuocare pœnas contra eos legi-
 bus ſancitas . Sunt itaque 1. publici ,
 & maniſeſti uſurarii , qui nequeunt ulla
 tergiverſatione celari , vel ita declarati
 per Iudicis ſententias , in utroque jure
 infames , & conſequenter irregulares , &
 inhabiles ad officia , & beneficia Eccle-
 ſiaſtica . 2. Vivi altaris communione , &
 mortui Eccleſiaſtica ſepultura priuantur .
 3. Non poſſunt abſolutionem a peccatis
 recipere , niſi prius reuera ſatiſfacerint ,
 vel idoneam cautionem dederint . 4. Te-
 ſtamenta ſi quæ fecerint , ſunt irrita , &
 nulla , niſi reſtituerint , vel ſufficientem
 præbuerint cautionem . Clerici autem ,
 qui moniti non deſiſtunt , ſuſpenſionem ab
 offi.

officio , & beneficio ferendæ sententiæ , & laici excommunicationem , item ferendæ sententiæ , usque ad debitam restitutionem incurrunt .

S E C T I O IV.

De Sacramentis in genere .

§. I.

Christus Redemptor noster , ut merita suæ Passionis uberrima , quibus æternam nobis salutem comparavit , humano generi applicarentur , instituit Sacramenta , quorum ope , ut S. Tridantina Synodus docuit , verâ justitiâ incipit , vel augetur , vel amissa reparatur ; unde in Ecclesia Dei , & in nova Evangelica Lege nil sanctius , nil salubrius dari potest , sive Auctoris , sive Mysteriorum , quæ continent , sive

fructuum, quos producant, ratio habeatur. Quapropter animarum Pastores, alique Dei Myſteriorum diſpenſatores ſedulo mente recogitent, quæ ſanctitas, caſtitas, & pietas in iſdem jugiter requiratur, ut ſemper parati ad conferenda Sacramenta reperiantur.

§. II.

Quoniam Paſtoris officii, & juſtitiae ratio efflagitat, ut animarum Curati per ſe, quoad fieri poſſit, Sacramenta adminiſtrant: Ideo ad conferenda Sacramenta vocati, promptos, facilesque ſe exhibeant, memores, ſe principaliter ſummo Paſtori rationem ovium reddere omnino teneri in extremo Dei judicio.

§. III.

§. III.

Iidem animarum Pastores quacunque diei, vel noctis hora ad administranda ægrotantibus Sacramenta vocantur, statim prompto, et lubenti animo præsto sint; ne sua negligentia quisquam, e grege subimet credito, sine Sacramentorum præsidio, ex hac vita migret; post quorum collationem eos non deferant, sed increbescente malo, instantique vitæ discrimine; infirmos frequentius juvent, quod et præstare debent omnes Sacerdotes Parochialium Ecclesiarum servitio adscripti, quippe omnes curam animarum habitua-lem habent; aliter, præter gravem culpam, quam ante Deum patrant, etiam graves poenas, ad Canonum normam, per nos subituri sunt.

Præterea in administrandis Sacramentis Eucharistiæ, et Extremæ Unctionis,

curent, ut semper sint induti veste talaribus, superpelliceo, et stola ejus coloris, quem Sacramenti ritus exposcit, etsi ex improvise sunt a periclitantibus in vita accersiti. Item curent, ut non alios ritus, et caeremonias in iis conferendis adhibeant, præter illas, quæ in Rit. Rom. Pauli V. jussu edito, & a Bened. XIV. emendato, et aucto, præscriptæ sunt. Quapropter illud semper prompte habeant, et Sacramentorum formas, ritus, caeremonias, aliaque ad id spectantia perdiscant, nec Rituale ipsum ab Ecclesia deficiat, sed semper præ manibus habeatur, specialiter in actu administrandi Sacramenta, ne quis error incidere possit. Adhibeant etiam summam attentionem, et habeant intentionem saltem faciendi, quod facit Ecclesia. Ut denique animarum Pastores simoniæ, et avaritiæ labem, vel saltem suspicionem effugiant, præcipi-

pimus, ut neque directe, neque indirecte in Sacramentorum administratione aliquid a fidelibus exposcant, sub pœnis gravibus, a jure statutis, nisi forte peracto Sacramento, eleemosynæ ergo, aliquid sponte offeratur.

§. IV.

Animarum Rectores quoque adhibeant diligentiam maximam, ut vasa sacra, cæteraque suppellectilia ad Sacramentorum administrationem necessaria debito honore custodiantur, ut populo Divinam Sacramentorum institutionem, numerum, dignitatem, virtutem, mirabilesque affectus, tum cæremoniarum, quæ in his adhibentur, mysticos sensus sæpius, prout opportunitas se offert, explicent. Eum pariter doceant, quo animo ad recipienda Sacramenta paratum esse oporteat, et

qua corporis veste , et ornamento , ad
modestæ leges composito , unde Religio
humilitas , et reverentia splendeant , ad
ea accedere debeat .

De Baptismi Sacramento.

§. I.

Quum Baptismus sit omnium Sacramen-
torum janua , & sine eo non possit quis-
quam in Dei regnum introire ; quoniam
homines eo regenerati ex filiis iræ eva-
dunt adoptionis filii , & vitæ æternæ he-
redes ; iccirco ab Archipresbyteris , vel
quocunque nomine animarum Curatis
magna hujus Sacramenti necessitas , vir-
tus , & efficacia fidelibus proponantur ,
ut quotidie debitas Deo pro tanto bene-
ficio gratias agant.

§. II.

§. II.

Et ut in hujus Sacramenti administratione omnia recte se habeant, præcipimus omnibus, quorum interest, ut fons Baptismalis, in quo aqua asservatur, sit lapideus, operculo ligneo, instar pyramidis superimposito, serraque clauso, in cujus vertice Crux effulgeat: Interius sit panno albo obductus, exterius vero conopeo violacei coloris coopertus. In ejusdem quoque vertice, aut in adverso pariete S. Jo: Baptistæ Christum baptizantis imago conspiciatur. In opereulo autem sacra Olea in vasculis argenteis, vel stanneis, cum exteriori, & propria cujusque Olei inscriptione, ad erroris periculum præcavendum, asserventur. Ibidem & cholear ad infundendam aquam, & sal benedictus, & gossipium, & lintecola munda, ceteraque ad Baptismi usum

sum conserventur, & custodiantur. Curent interea iidem, quibus est animarum cura ut in suis Ecclesiis omnino servetur ritus renovandi, & solemni benedictione consecrandi aquam ad Baptismi usum bis in quolibet anno, Sabbato S. scilicet, & in Pentecostes Pervigilio, ad quam benedictionem omnes de Clero interesse tenentur.

§. III.

Ultra tres a nativitate dies Baptisma non differatur infantibus; quapropter ab animarum Rectoribus acriter redarguantur parentes, si ultra id temporis permittant natos suos in tenebris delitescere, filios iræ manere, & in æternæ damnationis periculo diutius versari. Præterea Sacramentum hoc semper in Ecclesia ministretur, & ad fontem baptismalem,

lem, servatis ritibus, & cæremoniis in prædicto Rituali Romano præscriptis, excepto tamen necessitatis casu, nempe ipsius pueri periculo; adeoque in domibus privatis, & quibuscunque Oratoriis nemini liceat illud sine nostra expressa licentia ministrare. Hæc omnia accurate servantur, sub poenis a sacris Canonibus statutis.

§. IV.

Quoniam vero ob temporis angustias ad Baptisma ministrandum animarum Pastores aliquando vocari nequeunt, tunc quicumque adest infantibus succurat, & si plures sint, semper dignior præferatur, nisi pudoris causa, infans nondum omnino editus a muliere baptizari deceat, vel quia mulier melius, quam vir formam, & modum baptizandi callet. Deficientibus

ex.

extraneis ; puerum periclitantem parentes baptizare non omittant ; tunc enim cognationis spiritualis vinculum , quod matrimonii usum impedit , non se contrahere sciant. Prædicti infantes privatim baptizati , si periculum evadant , tunc saltem intra octo dies ad Ecclesiam Parochialem deferantur , ibique Parochus diligenter exquirat , num sint recte baptizati , quomodo , qua materia , qua forma , & si noverit , omnia recte facta fuisse , suppleat tantum cæremonias ; si vero de Baptismi veritate suboriatur dubium , denovo sub conditione eos baptizet. Si infantes expositi inveniantur , etiam si habeant in collo schedulam ab ignoto auctore exaratam , quoniam non certo constat de eorum Baptismo , iterum sub conditione baptizentur. Mandamus præterea animarum Rectoribus , ne permittant , aliquam mulierem Obstetricis munus

nus exercere, nisi sit prius bene instructa de ritu, materia, & forma conferendi Baptisma; immo bis in anno eam revocet ad examen, cognoscendi causa, an omnia memoria teneat.

§. V.

Mandamus cunctis Parochis, ne unquam in Baptismo permittant imponere infantibus nomina profana, fabulosa, & ethnica, sed ea tantum imponantur, quæ ab Ecclesia in SS. factis recensentur, ut sic Patronum in Coelis habeant, quem, tanquam exemplum in terris sibi fideles proponant.

§. VI.

Et quoniam in Baptismo etiam adhibentur susceptores, & quidem unus pro unoquoque infantulo, sive mas, sive mulier,
vel

vel saltem unus, & una; ideo ad hoc munus admittantur qui sunt benemeriti, & calleant Christianam Doctrinam, ut verbo, & exemplo possint pueros, seu spirituales filios in omnibus ad Christiane vivendum instruere, saltem in naturalium parentum subsidium. Hinc omnino infames, facinorosi, Ecclesiasticis Censuris obstricti, Paschalibus Sacramentis nondum refecti, & ipsius baptizandi parentes sunt arcendi.

§. VII.

Moneantur insuper puerorum parentes, & nutrices, ne infantulos ante annum a nativitate in proprio lecto sine repagulo retinere audeant propter suffocationis periculum, & si contra fecerint, sciant, hoc absolvendi culpæ genus Nobis tantummodo esse reservatum.

§. VIII.

§. VIII.

Collato jam Baptismo animarum Curatus statim ipsa die in Renatorum libro per extensum describat nomina, cognominaque baptizati, parentum, susceptorum, & ipsius Ministri, nec non natiuitatis, & Baptismi horam, diem, mensem, & annum per luculentos characteres, quæ omnia propria manu subscribantur per eundem animarum Rectorem.

§. IX.

Iidem animarum Curati sæpe sæpius explicent populo cognitionem spiritua-lem, quæ in Baptismo contrahitur, & inter quos extenditur, ut quilibet de populo sua officia sciat. Moneant tandem, ut omnes puerperæ quadragesimo a partu die, instar B. Virginis, cui tamen id opus non erat,

erat, Deo in Ecclesia pro prole felicitet
in lucem edita, & sacro regenerationis
lavacro sanctificata, gratias rependeant.

De Confirmationis Sacramento.

§. I.

Et si adoptionis gratiam per Baptisma
consequamur, voluit tamen sua ineffabi-
li bonitate Servator noster Confirmationis
Sacramentum instituere, ut uberiori-
bus Gratiae auxiliis veri Christi milites,
& spirituales athletæ efficeremur, atque
ita nedum adversus carnem, & sangui-
nem, verum etiam contra tenebrarum
potestatem acriter possimus dimicare.

§. II.

§. II.

Et quoniam in nostra Diœcesi mos est, ut plurimum confirmandi infantulos, qui non sunt capaces intelligendi signaculum fidei, quod imprimit hoc Sacramentum, neque ejus effectus, nempe augmentum Gratiæ, & Sp. S. plenitudinem; ideo mandamus Parochis, ut, data opportunitate, sapius explicent naturam, proprietates, & effectus hujus, Sacramenti, ut quæ per ætatem cognoscere nequibant, cognoscant saltem, dum sunt adulti. Verum si hoc Sacramentum adulti suscepturi sint, prius instruantur a Curatis in ea, quæ sunt necessaria ad rite, recteque illud suscipiendum, & præcipue ut Pœnitentiæ Sacramento ab iniquitatibus mundentur, ne forte Gratiæ obex apponatur.

F

§. III.

§. III.

Cum etiam in hoc Sacramento, ut in Baptismo patrini adhibeantur, idcirco volumus, Curatos omnes edocere eos suum officium, & cognationem spiritua-lem, quam contrahunt, & inter quas personas, ut susceptores, confirmatus, eorumque parentes spiritualement nexum, quo innodantur, sciant; nec non noverint, ut mas a mare, & femina a femina suscipiatur, & non sint iidem susceptores, qui in Baptismo fuerunt. Item in eadem die nemo sine nostra licentia plures, quam duos suscipiat.

§. IV.

Constituta die omnes confirmandi ad Ecclesiam se conferant, & segregati ma- res a feminis omni animi pietate, & mo-

modesto corporis ornatu, sine tumultu,
& clamoribus, ad hoc Sacramentum ac-
cedant. Nullus interea ab Ecclesia disce-
dat, nisi functione absoluta, & recepta
a Pontifice benedictione.

§. V.

Denique Archipresbyteri Curati, pe-
ractis omnibus functionibus, nomina, &
cognomina confirmatorum, prout præscri-
psimus in descriptione Renatorum, in li-
bro ad hoc confecto describant.

De Eucharistie Sacramento.

§. I.

Cum in SS. Eucharistie Sacramento
omnium bonorum Largitor, & totius san-
ctitatis fons Christus Jesus reipsa conti-

neatur, unde in eodem infinitus Divinorum attributorum thesaurus reconditur; clare liquet, qua reverentia, & religione hoc infiniti amoris donum servari, coli, & administrari oporteat.

§. II.

Mandamus ergo, ut in qualibet Parochiali Ecclesia, & in majori altari, utpote digniori, non vero in aliis Ecclesiis, Eucharistia adservetur. Tabernaculum autem, in quo ipsa reconditur, sit marmoreum, vel ligneum, & quoad fieri possit, eleganter extructum, & firmiter aræ adnexum, interius serico albo panno circumornatum, ac mundo semper corporali substrato; ejus ostiolum sit interius eodem serico panno obductum, ferra; & clavi argentea, vel inaurata claudatur, quæ ab Archipresbytero Curato

cu-

custodienda sit, ne ad SS. Eucharistiam sacrilega manus possit accedere. Qui vero in hoc fuerint negligentes, puniantur juxta litteras Encyclicas de Bened. XIV. mandato editas.

§. III.

Nil prorsus in tabernaculo, nisi sola Eucharistia retineatur. In pyxide argentea, interius inaurata, serico cooperta panno, SS. Sacramentum perpetuo servetur, in qua tot particulæ sint consecratae, quot fidelibus communionem quaerentibus sufficere possint. In singulis hebdomadis, si æstas, decimoquinto die, si hyems, renoventur particulæ; & quoties id fiat, diligenter pyxide attente purificata, colligantur fragmenta, & una cum particulis sumantur. Sit foris prope tabernaculum vas cum aqua ad digitos

purificandos. Saltem una lampas ante tabernaculum noctuque, diuque, ardeat sumptibus illius, cui de consuetudine id spectat. Caveant autem Ecclesiarum Rectores, custodes, administratores, ne lampas extinguatur; nam a gravioribus poenis haud immunes sunt.

§. IV.

Ministri omnes hujus augustissimi Sacramenti caveant, ne hunc cælestem panem conscientia labe polluta, & impuris manibus fidelibus præbeant, si tot sacrilegia, quot sunt personæ, quæ communicantur, evadere optent. Si vero Eucharistia extra Missam præbenda sit, saltem duo cerei, antequam sacra Pyxis extrahatur, accendantur.

§. V.

§. V.

Ne fideles nostræ Diœcesis iudicium ,
 teste Apostolo , sibi manducent , & bi-
 bant , oportet prius probare seipsos , &
 sic de pane illo edere , adeoque omni
 studio , & diligentia quam maxima suas
 conscientias ab omni peccati inquinamen-
 to mudent , simulque flagranti charita-
 te , reverentia , & devotione , nec non
 modesto , decentique corporis ornatu
 ad recipiendum hoc Sacramentum acce-
 dant , si æternam damnationem effugere ,
 dulcesque hujus cœlestis Panis effectus
 gustare velint . Archipresbyteri interea ,
 non omittant continuo exponere populo
 naturam , & mirabiles Eucharistiæ effe-
 ctus , ut accendatur ad sæpius ipsam
 sumendam , instar primitivæ Ecclesiæ fi-
 delium , qui singulis diebus per sacram
 Eucharistiam Jesu Christo consociari stu-

debant . Quando vero , & quo frequentius Christi Corpus sumendum sit , prudentiæ Confessariorum relinquitur . Hinc arcendi penitus , semperque sunt publici , & notorii excommunicati , interdicti , concubinarij , lenones , meretrices , sænatores , blasphemij , maledici , crapulis , & ebrietatibus dediti , donec certa , & indubia pœnitentiæ , & veræ emendationis signa non dederint .

§. VI.

Quod nullo definito tempore Christus Dominus præceperat , S. Mater Ecclesia saltem in Paschate , gravissima proposita pœna , servandum decrevit . Quicunque hoc præceptum non servat , vivens ab ingressu Ecclesiæ arcendus , & mortuus Ecclesiastica sepultura privandus est , juxta Cap. *Omnis utriusque sexus* Conc. Lat.

Lat. IV. Tempus adimplendi hujusmodi præceptum incipit a die Dominica Palmarum usque ad Dominicam in Albis inclusive, nisi justis de causis a Nobis fuerit prorogatum. Archipresbyteri interim in Dominica Passionis moneant populum de hac obligatione, & sint vigilantissimi in describendis omnibus, qui huic præcepto satisfecerint: eos vero, qui Paschale præceptum non impleverunt, ad Nos, post adhibitam paternam correctionem, denuntient, ut si nec Nos audire voluerint, interdicto ab ingressu Ecclesiæ, serv. serv., subjiciantur. Et ut proprias suas oves pastor agnoscat, in propria Parochiali Ecclesia hujusmodi præcepto quisque satisfacere debeat.

Si ægroti , & in vinculis detenti huic præcepto satisfacere tenentur , eorum pastores omni diligentia , & charitate debent hunc cælestem Panem eis deferre intra prædictorum dierum 15. spatium , & si morbi sunt diuturni , debent illos sæpius invisere etiam non vocati , ut ad Sacramenta recipienda eos excitent , speciatim in solemnioribus anni festis ; caveant autem iidem , ne quisquam suæ Paræciæ ægrotus sua negligentia sine hoc Sacramento ex hac vita discedat . Dum Eucharistia ægrotis deferretur , detur prius campanæ solitum signum , ut convocetur populus , & servatis in Rituali Romano servandis , Parochus indutus cotta , stola , & humerali , & ceteri de clero induti superpelliceo , cereis accensis , devote ægroti domum eant , & peracta Commu-
 nio,

nione, ad Ecclesiam redeant, ubi accepta benedictione populus dimittatur.

§. VIII.

Quoniam SS. Eucharistia etiam publice ponitur adoranda, volumus eam in nulla Ecclesia adorationi exponi, nisi ex publica causa a Nobis probanda, exceptis tamen iis diebus, in quibus vel ex sancita lege, vel ex inveterata consuetudine exponi solet. Quare animarum Rectoribus commendamus, ut id religiose servant. Quotiescunque vero sacra Hostia in ostensorio conspicienda præbetur, saltem duodecim cerei sint accensi, & altare, in quo reponitur, decenter ornatum, in eoque haud ponantur SS. Reliquiæ, imagines, vel statux, & si adsint, velentur. Per horas integras saltem bini clerici, vel sacerdotes superpelliceo induti,

nec

nec non confraternitaris SS. Sacramenti sodales sacro vestiti habitu, pias preces ante sacram Hostiam genuflexi fundant. Si vero ex causa privata expositio fieri debeat, tunc e tabernaculo SS. Sacramentum non extrahatur, sed aperto dumtaxat ostiolo in Pyxide cum sex saltem cereis accensis a Sacerdote cotta, & stola induto ita collocetur, ut a populo conspiciatur.

§. IX.

Feria V. in Cœna Domini, qua hujus Sacramenti institutio recolitur, sicut duobus sequentibus diebus præscripti ab Ecclesia ritus diligenter observentur; unde altare, ubi SS. Sacramentum est deponendum, splendidiori, qua fieri poterit, adparatu, ornetur, tum cereis, atque lampadibus noctuque, diuque semper arden-

dentibus sacra Urna luceat, Clavis vero sacrae Urnae non penes laicum (quacunque sit consuetudo) sed penes sacerdotem, qui postero die sit celebraturus, asservetur. Caveant, ne his diebus deficiant pro infirmis particulae; quapropter Pyxis cum particulis in sacrario decenter custodiatur.

De Missae Sacrificio.

§. I.

Quoniam SS. Eucharistia non solum ut Sacramentum, sed etiam ut Sacrificium considerata sit, quo incruentum Christi Corpus, quod cruentum olim in ara Crucis immolatum fuit, Deo in recognitionem supremi dominii quotidie immolatur. Ideo si-

de-

fideles nil hoc Sacrificio Deo acceptius, nil mundo utilius, nil Ecclesiæ gloriosius, nil inferno terribilius excogitare possunt. Si ergo hæc infiniti valoris hostia est tam Deo accepta, per quam infinitæ suæ Misericordiæ, & indulgentiarum thesauros in nos, etiam defunctos, large diffundit; omnino expedit, ut hoc augustissimum Sacrificium cum omni cordis munditia, & pietate, exteriorique pietatis, & devotionis cultu peragatur. Quare, ut ea, qua decet, veneratione celebretur, quædam præscribenda duximus

§. II.

Quia vero hodie cum magno animi nostri dolore intelligimus, quosdam Sacerdotes suarum obligationum immemores, hoc tremendum Sacrificium sine debita præparatione, & conscientiæ puritate,

te, sed tanquam sæculi negotium distracto, ac negligenter celebrare. Ideo volumus omnes nostræ Diœcesis Sacerdotes factum facere cum debita præparatione, cæremoniis, & gratiarum actione, prout in rubricis Missalis præcipitur, quas tanquam heic de verbo ad verbum insertas Nos ex nostro Pastoralis officio præcipimus. Quare mandamus nostris Vicariis Foraneis, & Archipresbyteris, ut si nonnullos Sacerdotes in his deficere cognoscant, & paternam correctionem nolunt audire, eos ad nos referant, ut opportunis remediis, & poenis occurramus.

§. III.

Cum magna animi nostri perturbatione sentimus, quod quasi omnium Ecclesiarum Sacristia facta sit tanquam publica platea, in qua inter clericos, lai-

laicosque confabulationes , risus , & alia , quibus non est locus , peragantur: Ideo mandamus , ut in cunctis Sacristiis silentium omnino fervetur , & si quid dici opus sit , paucis verbis , submissaque voce expediatur.

§. IV.

Mandamus omnibus Sacerdotibus nostræ ditioni subjectis , ut nunquam audeant celebrare sine veste talari nigri coloris , tonsura conspicua, crineque omnis vanitatis sæcularis experte. Insuper omnia, quæ in Sacrificio adhibenda sunt , Religionem, & splendorem præferant : Quapropter Archipresbyteri curent diligentissime , ut vestes albæ , amictus , pallæ , corporalia , purificatoria , planetæ , aliaque omnia , nec attrita sint, nec maculata , sed integra , & munda , præcipue calices , & patenæ

tenz, dum opus sit in aurentur. Quicun-
que hæc neglexerit, debitis pœnis obno-
xius erit:

§. V.

Sacerdotes, qui audent celebrare in
Ecclesiis pollutis, vel oratoriis, vel alta-
ribus pollutis, aut interdictis, vel a no-
bis non adprobatis, aut coram excom-
municato, vel interdicto vitando, gravi-
bus pœnis subjiciantur. Arceantur etiam
a Divino Ministerio Sacerdotes publice
criminosi, aut censuris, vel irregularitate
irretiti. Quare Ecclesiarum Rectoribus
mandamus, ut hæc exequi curent.

§. VI.

Qui sunt ad Sacerdotalem dignitatem
eveci, nec primam Missam celebrent,
nisi

nisi prius a Nobis facultatem in scriptis obtinuerint, quæ non conceditur sine Magistri cæremoniarum examine, & ad probationem in scriptis Nobis producta, quod sit circa sacros ritus bene instructus..

§. VII.

Non alias cæremonias, & preces quicunque in Missa præsumat adhibere, nisi quæ ab Apostolica Romana Ecclesia, sapientissime sunt præscriptæ. Nec suæ memoriæ credat, sed intentis Missali oculis certas, statutasque preces percurrat, nec præcipiti linguae lapsu verba mutilet, aut nimia celeritate sacras actiones perturbet: unde ad hæc vitanda statuimus, ut tempus in Missa celebranda non sit minus tertia horæ parte, &, ad eludendum fastidium, non sint plus semisse.

§. VIII.

§. VIII.

Sacerdotes , qui Apostolico Indulto non gaudent , ante auroram , vel post meridiem , sacrum non faciant ; Missæ vero in diebus Dominicis , aliisque diebus festivis in singulas horas ab Ecclesiarum Rectoribus distribuantur , ut commodius agricolis consulatur . Quod vero spectat Missam circa auroram volumus , ut ante ipsam nulla Missa celebretur , ne populus a proprio Pastore avocetur . Curent Pastores , & ceteri , qui curam animarum etiam ad tempus habent , ut sive per se , sive per turnum , ut moris est , in singulis Dominicis , & diebus festivis celebrent Missam pro populo sine ullo emolumento . Verum si Ecclesiæ redditus sint ita tenues , ut vix ad victum sufficiant , concedimus , juxta Bened. XIV. Const. , Missam offerre pro elemosynarum offerentibus , hac tamen lege , ut

totidem Missas pro populo in hebdomada celebrare non omittant.

§. IX.

Onera Missarum; & anniversaria a piis fundatoribus, & benefactoribus relicta satisfacienda sunt in Ecclesiis, altaribus, & diebus ab iis designatis, nec cuiquam huiusmodi satisfactionem prætermittere, aut testatoris mentem immutare liceat; nec Missarum numerum quovis prætextu, etiam tenuitatis elemosynæ, sine nostra intelligentia, imminuere. Et ut defunctorum animabus consulamus, Altare SS. Sacramenti in qualibet Parochiali Ecclesia nostræ Diocesis pro altari privilegiato juxta facultatem Ordinariis concessam a Pio VI. in suis Apostolicis literis, designamus, ut fidelium animæ, quæ purganti igne torquentur, Indulgentiis quotidianis suffragari

gari possint, ad præfati Brevis normam.

§. X.

Caveant Sacerdotes, ne Missarum stipendia precibus importunis rogent, ut sordidæ avaritiæ occasio removeatur, nec mercimonium faciant, hoc est ex collectis Missarum stipendiis non retineant partem aliquam, dum onus Missarum aliis committitur pro minori stipendio, etiam si consentiant recipientes, ut est declaratum a Bened. XIV.

§. XI.

Nè autem onerum Missarum memoria pereat, in Sacristia adfixa sit tabella, in qua legata omnia descripta cernantur, & pariter indicentur dies, ritus, & altare, quibus easdem Missas celebrare oporteat. In prædicta Sacristia serventur etiam duo

ibri, in quorum primo singula onera Missarum, & anniversariorum perpetua describantur, in altero Missæ, quas vocant manuales, sive adventitias, notentur, Sacerdotes vero statim, ac Missam pro certo quodam onere, sive perpetuo, sive manuali celebraverint, in proprio libro sua manu eam describant, apposito die, mense, & anno, ut removeatur occasio eadem die celebrandi plures Missas, & ut opus Missarum constet esse satisfactum pro iis, qui eleemosynas dederunt.

§. XII.

Ut autem hoc augustissimum Sacrificium majori, quo fieri potest, splendore, adparatu, & munditiâ celebretur, & ut populus omni devotione, & religione eidem interfir: Iccirco mandamus Archipresbyteris Curatis, ut curent magnopere,

pere altaria munda, & decenti adparatu ornata, pariterque Ecclesias esse nitidas, non squalidas, tam in suffectis bene compositis, quam in parietibus, unde saltem semel in mense, & diebus præcedentibus dies festos solemniores, parietes purgentur a pulvere, & araneorum telis, itemque semel in anno dealbentur, & pavimenta semel in hebdomada everrantur. Moneant populum Parochi, ut in Ecclesia cum magna animi, corporisque compositione, & devotione maneat, nec in Confessionali-
bus aliquis sedeat, nec confabulationes, lascivas oculorum circulationes, aliaque secularia negotiâ in ea peragat: item nec altaribus innitatur, nec super iis pileum, vel aliquid ponat; quia domus Dei domus orationis est, & Christus Dominus, etsi dulcis, & mitis, tamen zelo iratus fecit quasi funiculos, & ejecit profanatores e Dei templo. Præterea non omittant

fidelibus sæpius exponere hujus sacrificii necessitatem, præstantiam, fines, uberioresque fructus, ut de eo populus dignam Religionem semper in animo servet.

De Pœnitentiæ Sacramento.

§. I.

Christus Redemptor noster in sua bonitate infinitus, non solum instituit Baptisma, ut Adæ filiis insitam peccati labem aboleret: verum etiam in sua Misericordia dives prævidens figmentum nostrum facile innocentiam in Baptismo receptam amissurum esse, aliud vitæ remedium, scilicet Pœnitentiæ Sacramentum instituit, quo lapsis post Baptisma beneficium suæ mortis applicaretur. Et quoniam ex adultis pauci sunt, qui Baptismi gratiam incolumem servant, quia lutea

vasa

vasa portant: Ideo Archipresbyteri sedulo curent, ut, per hanc post naufragium secundam deperditæ gratiæ tabulam, ad salutis portum fideles perveniant. Quare eos doceant omnia, quæ, ad hoc Sacramentum rite, utiliterque suscipiendum, sunt necessaria. Nos interim, ut idem cum fructu, & pro dignitate ministretur, quædam heic, prout pastorale nostrum munus efflagitat, statuenda curavimus.

§. II.

Nullus Sacerdos, five secularis, five regularis sit, excopto tantum extremo vitæ discrimine, vel ipso mortis articulo, hoc Sacramentum utriusque sexus fidelibus ministrare audeat, sine ordinaria, vel delegata a nobis obtenta facultatē, sub poenis a jure statutis.

§. III.

§. III.

Illi soli Sacerdotes audiendi confessiones facultatem a nobis obtinebunt, qui inculpatae vitae reperiantur, & prævio examine, si nobis opportunum videbitur, idoneam adprobationem reportarint, & produxerint fidem ab Accademiæ Præfesto subscriptam, quod assidue casuum Moraliū conferentiis interfuerint, quæ fiant, ut est dispositum in Synodo Prædecessoris nostri fel. rec.

§. IV.

Confessarii omnes tempus in Patentibus definitum, sex nimirum mensium, non prætergrediantur; sed diligenter, & tempestive confirmationem petant, una cum Fide Accademiæ Præfesti super ejusdem assiduitate, sine qua nulli audiendi confes.

Confessiones facultas prorogatur. Omnia autem, quæ in Patentalibus præscribuntur, accurate confessori legant, & servant.

§. V.

Qui generali facultate excipiendi confessiones præditi sunt, nunquam absolvendi potestatem sibi collatam existiment ab his peccatis, & censuris, quorum absolutio nobis est reservata, nisi nostra peculiari concessione. Si quis vero peculiari facultate carens, extra mortis articulum, quempiam absolverit, excommunicationem, aliasque poenas ipso facto incurrer, juxta Clem. X. Constitut., quæ incipit *Superna*. Sub iisdem poenis adimitur confessoribus facultas absolvendi a censuris, & peccatis, quorum absolutionem Summi Pontifices sibi reservarunt. Quoties vero generalis hæc facultas conceditur, ut in

Ju-

Jubilæis, aliisque similibus confessionibus accidit, nunquam ad absolvendum hæresis crimen, formalis tamen, ut Theologi ajunt, licet sit occulta, censeatur collata, nisi prius hæresis expressa in ejusdem facultatis concessione mentio fiat.

§. VI.

Animadvertant confessarii, nullam habere facultatem complicem absolvendi in peccato contra VI. præceptum admissio, etiam Jubilæi tempore, excepto tamen mortis articulo, dummodo tamen non sit alius confessarius adprobatus, vel alius simplex Sacerdos, qui absolutionem impertiri valeat; secus absolutio nulla, & irrita est, tanquam data a Sacerdote, qui absolvendi auctoritatem non habet, & confessarius incurrit ipso facto in excommunicationem Summo Pontifici reservatam.

tam . Concurrentibus tamen circumstantiis in dicto mortis articulo, ut alius simplex Sacerdos vocari, aut accedere sine aliqua gravi exoritura infamia, vel scandolo nequeat, tunc absolutio a Sacerdote criminis socio impartiri potest. At si idem confessarius, nulla gravi necessitate impulsus se ingesserit, & rationes ad evitandam infamiam, & scandalum de industria adhibere neglexerit, tunc quamquam absolutio sit valida, positis in poenitente dispositionibus, ipse tamen in censuram incidit, juxta Bened. XIV. Constit., quæ incipit *Sacramentum Pœnitentiæ*, cui nos in omnibus e Pastoralis nostro munere inhæremus.

§. VII.

Caveant confessarii, ne quocunque prae-
 textu, etiam spiritualis boni, exquirant a
 poenitente complicitis personam, ipsiusque
 personae nomen, vel habitationem; quo-
 niam hæc praxis est a S. Sede damnata,
 & qui contrarium tenent, & docent,
 contradicunt, aut temere interpretantur,
 excommunicationem Summo Pontifici re-
 servatam incurrerit; immo tam isti,
 quam confessarii cum suspitione pravi
 dogmatis contra facientes denunciandi
 sunt, ut disposuit Bened. XIV. sua Con-
 stit., quæ incipit: *Suprema*: quam Nos
 sequimur, & in omnibus suis partibus
 adimpleri volumus.

§. VIII.

§. VIII.

Quoniam poenitentes in Sacramentali Confessione ad turpia sollicitati, juxta Bened. XIV. Constit., quæ incipit: *Sacramentum Pœnitentiæ*, in qua confirmatur, & augetur Constitutio Gregoriana, non sunt absolvendi, nisi prius ad Nos confessarium denuntiarint, aut quamprimum, non ultra tamen mensem, se delaturum polliceantur: Ideo mandamus omnibus Archiepiscopis, & confessoribus nostræ Diœcesis, ut poenitentes, qui id exequi renuunt, vel plus æquo sine justa causa differunt, non absolvantur, nisi prius denuntiationis onus adimpleverint. Si quis vero, quod absit, sacerdotem hujus criminis insontem falso accusaret, sciat, se gravissimum scelus commississe, cujus absolutio, juxta dictam Benedictinam Constit., præter mortis articulum, Romano Pontifici est reservata.

§. IX.

§. IX.

Quum in mortis articulo nulla sit reservatio, & quilibet sacerdos a quibuscumque peccatis, & censuris poenitentem possit absolvere, advertent tamen, qui a censuris reservatis absolvunt, monere poenitentes, ut si convaluerint, superiori reservanti se sistant, ejusque mandatis obtemperent; secus in eandem censuram reincident.

§. X.

Sacramentum hoc non extra Ecclesiam, nisi ægrotis, sacerdotibus, aliisque, justa ex causa, ministratur. Mulieres vero semper in sede confessionalis cum crate, non autem facie ad faciem, audiuntur, sub poena suspensionis ab audiendis confessionibus. Insuper earundem

con-

confessiones ante solis ortum , vel post occasum , non excipiantur . Si vero ægotantis mulieris confessio domi sit facienda , pateat cubiculi ostium , ut ab aliis videri , non audiri possit Sacerdos , ut in alia nostra Synodo diximus . Quotiescumque tamen in Ecclesia , vel Sacristia idem Sacramentum conferendum sit , Sacerdotes utantur veste talari , nec in aliis Ecclesiis , sine earumdem superioris consensu , & licentia , confessiones excipiant .

§. XI.

Ecclesiarum Rectores omni diligentia curent , ut sedes confessionales in patenti , & conspicuo Ecclesiæ loco maneant , earumque ostiola a lateribus posita ferreis laminibus , undique , & minutatim perforatis sint obstructa . Interius sit reservatorum casuum index affixus , exterius ve-

ro Christi Domini Crucifixi imago conspicatur.

§. XII.

Quoniam iudicis, & medici spiritualis munus Confessarii exercent, ideo multa doctrina, majorique charitate, & prudentia sint præditi. Quare illud maxime curandum sit, ut quivis confessorius apud se habeat libros a probatoribus Moralis Theologiæ Doctoribus conscriptos, eosque diurna, nocturnaue manu evolvat, & accurate perlegat, nec non propositiones ab Apostolica Sede damnatas probe callear, & conferentiis casuum moralium, & sacrorum rituum assidue interfit, ne sua incitiam propriam, aliorumque salutem in discrimen adducat. Volumus igitur, ut prædictæ conferentiæ, sicut fuerunt institutæ a Prædecessore nostro adamussim ob-

observentur; quare non solum Confessarii, sed quivis Sacerdos, & clericus etiam in minoribus constitutus iis teneatur interesse; alias sine ejus conferentiæ adtestatu, nullus ad Ordines Majores, ad Confessiones audiendas, & ad Ecclesiastica Beneficia obtinenda admittatur.

§. XIII.

Cum claves non ad solvendum modo, sed etiam ad ligandum a Christo Domino fuerint Ecclesiæ concessæ: iccirco noverint, qui gravissimum Confessionis munus exercent, ut omni diligentia explorent, quibus tribui, & quibus denegari absolutio debeat. Quare non sunt absolvendi, qui ignorant ea, quæ de necessitate medii, ut ajunt, explicite credenda sunt; qui vero nesciunt, quæ sunt de necessitate præcepti credenda, dummodo

H 2

non.

nondum moniti promittant ea addiscere, iis differenda non est absolutio, si aliud in eis obstaculum non sit, & ante Confessionem instruuntur. Item consuetudinarii, recidivi, & qui libera occasione proxima peccandi versantur, non sunt absolvendi nisi sufficientia, & extraordinaria conversionis signa dederint, & cognoscantur in iis periculum peccandi factum esse remotum. Non sunt etiam absolvendi qui culpabiliter rei, vel famæ alienæ restitutionem differunt, vel negant, maxime si in alia confessione sint moniti. Mulieres quoque, quæ, ut sequantur sæculi mores, nudatis brachiis, pectore, & humeris præsertim in Ecclesiis incedunt, vel vestibulis, aliisque satanæ inventionibus, ad lasciviam, & scandala compositis utuntur, ab hoc Sacramento sunt arcendæ, nisi prius scandala repararint, cum vera vitæ renovatione, & modesta corporis compositione.

§.XIV.

§. XIV.

Cum pueri, & poenitentes, præsertim rudes, potius confusionem, quam confessionem faciant; ideo confessori, ut suæ doctoris parti satisficiant, eorum confessiones cum charitate, & humanitate excipiant, & diligenter eos circa peccatorum numerum, species, circumstantias necessario Confessori aperiendas instruant. Explorent interea, an proprii status officia impleverint, & præter operis, etiam cordis peccata admiserint; sint etiam adjuvamento, ut actus eliciant, qui ad hujusmodi Sacramentum sunt necessarii, scilicet ut ex corde doleant, & in posterum a peccatis se recessuros serio promittant. Eis interim opportuna remedia suggerant, quibus, Dei auxiliante gratia, peccata devitare queant.

§. XV.

Confessarii omnes maxima circumspectione, & prudentia (circa luxuriæ peccata præsertim) interrogent, ne poenitentes sciant, quæ latent, & ipsi a suis poenitentibus coinquantur. Item paterna charitate omnes suscipiant sine personarum acceptione, nec vitandi laboris, aut molestiæ causa quemquam a se arceant, sed eos vultu hilari, & sine verborum asperitate audiant; secus, dum poenitentes misericordiam, & veniam sperabunt, in desperationem incident. Si vero aliquando contingat, ut absolutio poenitentibus protrahatur, tunc lenibus verbis, & sincero commiserationis adfectu ipsi moneantur, ut damnationis periculum, in quo versantur, cognoscant, ac ad reconciliationis gratiam in hoc Sacramento recipiendam studeant, se præparare.

§. XVI.

§. XVI.

Quia (secundum sanctorum virorum monita) satius est paucorum vulneribus bene mederi , quam multorum vulnera leniter tantum attingere , quo sæpe fit , ut magis magisque computrescant ; ideo caveant Confessarii , ne ob pœnitentium multitudinem festinanter , & minus accurate , ac diligenter in tanto ministerio se gerant ; neve ullam sui officii partem omitant , ut pluribus satisfaciant .

§. XVII.

Confessarii pariter in injungendis operibus satisfactoriis justitiam , & prudentiam adhibeant , ut pro criminum ratione , & pœnitentium statu , ac conditione , salutare , convenientesque injungant pœnas , nedum satisfactorias , sed etiam me-

dicinales. Antiquos Canones pœnitentiales legant, ut ex iis ediscant, quot, & quas graves pœnas pro culpis repetendas esse oportet. Et quanquam severitas hæc, secundum hodiernam Ecclesiæ disciplinam, est valde remissa; tamen pœnitentibus graviorum scelerum sibi consciis manifestare opportunum est, ut lubenti animo mitiores pœnitentias suscipiant, & aliis pietatis operibus Divinæ Justitiæ ultro satisfacere conentur.

§. XVIII.

Cum Sacramentale sigillum, etiam cum vitæ discrimine servandum sit sub pœnis gravissimis a Sacris Canonibus inflictis, ne Sacramentum reddatur odiosum; ideo confessarii illud religiosissime observent & cautissime se temperent a quovis sermone de rebus in Pœnitentiæ Sa-

cra-

cramento auditis, & dum confessiones excipiunt, nullum signum faciant, ex quo circumstantes grane aliquid in confessione aperiri, aut pœnitentem dimitti sine absolutione suspicari possint.

§. XIX.

Ut omnis avaritiæ suspicio vitetur in hoc Sacramento administrando, prohibemus, ne quis confessorius quidquam, etiam sponte oblatum, confessionis causa, vel intuitu recipiat; neque pœnitentibus imponantur Missæ ab ipso Confessario celebrandæ, nec aliud quodcunque onus respiciens utilitatem suam, suorum, vel propriæ Ecclesiæ. Si quid vero Confessario detur certæ cuidam personæ restituendum, testimonium scriptum ab eo, cui restitutio fit, reperat, pœnitenti postea exhibendum. In rebus vero incerti Do-
mi-

mini, caveat confessorius, ne illas, vel suis, vel sibi attribuat, sed pauperibus, vel Ecclesiæ dentur.

§. XX.

Medicos, & Chirurgos in Domino hortamur, ut memores juramenti, quod in sui gradus susceptione recepere, mature ægrotos moneant, ut animæ salutis per Sacramentalem confessionem consulant; quod si ipsi per triduum, ex quo ægrotare cæperunt, plane neglexerint, non amplius eos invisent, alioquin, præter perjurii noxam, pœnas in Constit. S. Pii V. se subituros esse noverint.

§. XXI.

Denique omnes Dei Ministros, & præcipue Archipresbyteros enixe hortamur,

mur, ut fideles ad hoc Sacramentum rite, & frequenter excipiendum excitent, & in omni vitæ periculo ad ipsum illico confugiant. Faciant eos pariter certiores, quod Ecclesia præcipit, ut omnes fideles utriusque sexus, semel saltem in anno, Confessionis Sacramento animum expurgent, hujusque violatores Ecclesiæ ingressu, dum vivunt, & post mortem sepultura Ecclesiastica esse privandos. Pueri vero, etsi nondum ad Communionem sint admissi, tamen si doli, & culpæ capaces sint, hujus Sacramenti participes fiant.

§. XXII.

Quoniam gubernandi animas æconomia exposcit, ut quædam graviora crimina non a quolibet confessorio ad confessiones audiendas adprobato absolvi possint; iecir-

co opportunum visum est, quorundam peculiarium criminum absolutionem Nobis reservare, quorum compendium, & indicem appendicis loco in calce hujus Synodi ponendum curavimus.

De Sacramento Extremæ Unctionis.

§. I.

Non solum in vita, sed etiam in mortis articulo Redemptor noster Divinæ Gratiæ præsidio voluit fideles suos munire contra hostium tela: quapropter Extremæ Unctionis Sacramentum instituit, quo fideles a delictis, si adhuc sunt, expiantur, & peccatorum reliquiis abstergantur; unde ægrotantium animæ recreantur, & confirmantur in Divinæ Misericordiæ fiducia facile morbi incommoda ferunt, & Dæmonis tentationibus in ulti-

mo agone facilius resistunt. Immo hujus Sacramenti virtute corporis quoque sanitatem recipiunt, si id animæ salutis expediat.

§. II.

Quum oleum ab Episcopo benedictum sit, hujus materia Sacramenti, religiosissime est custodiendum. Quare in vase argenteo, vel stanneo reponatur cum externa inscriptione: *Oleum infirmorum*. Idem vas decenti capsula intrinsecus serico violaceo, exterius corio contexta claudatur. Hæc ipsa serica ejusdem coloris crumena similibus sericis funiculis obstricta custodiatur. Eandem vero crumenam in domuncula quadam, seu cavo serico pariter violaceo intrinsecus circumvestito prope altare majus a latere Evangelii reponi omnino jubemus. Ipsum vero cavum

vum bene custodiatur foribus , & clavibus , quæ penes Archipresbyterum Curatum , maneat , extrinsecus vero decenter sit ornatum , addita inscriptione : *Oleum Infirmorum*.

§. III.

Quoniam Oleum Sanctum quotannis in Cœna Domini ab Episcopo renovatur , veteri combusto , ideo mandamus omnibus Archipresbyteris , ut curent Sacra Olea comparare vel per se , vel per alios Sacerdotes , aut Clericos in Sacris constitutos in nostra Cathedrali a Cœna Domini usque ad Dominicam in Albis. Caveant tamen , ne alios a dictis personis mittant , aliter Sacra Olea ipsis non tradentur.

§. IV.

§. IV.

Animarum Curati statim ac noverint aliquem periculose decumbere, ad eum citissime convolent, nulla aut loci distantia, aut Cœi inclementia, aut viarum asperitate deterriti, opem illi per hoc Sacramentum allaturi. Curent vero, ut illud administrent, dum adhuc ægroti integra mente, & ratione consent, eosque breviter edoceant, quæ virtus Cœlesti huic medicinæ a Deo tributa sit, & ad pios actus excitent, quibus se ad uberio-rem Gratiâ suscipiendam comparare possint.

§. V.

Quum subiectum hujus Sacramenti sit homo baptizatus, peccandi capax, & periculose infirmus, hinc non solum adultis,

tis, sed etiam pueris, qui rationis usu pollent, & doli capaces sunt ab Archiepiscopis Curatis administrari debet. Si quis vero nec verbis, nec signis (quia repentino morbo præoccupatus) hoc Sacramentum expetere potest, dummodo ex præterita sua vita existimari poterit, illud in mortis articulo optaturum, etiam est Sacro Oleo ungendus. Ad prælium tamen ituris, peregrinationem, vel navigationem periculosam suscepturis, ultimo supplicio damnatis, perpetuo amentibus, aut furiosis, ac tandem iis omnibus, qui notorie excommunicati, aut notorii peccatores sunt, nullum poenitentiae signum edentes, cæterisque in Sacramento Eucharistiæ recensitis Sacramentum hoc ministrari non debet.

§. VI.

Quamquam hujus Sacramenti Minister sit ille, qui curam animarum habet, tamen ejus administratio potest aliis Sacerdotibus idoneis committi, in qua sint semper veste talari, superpelliceo, & stola violacei coloris induti. Vasculum Sacri Olei in crumena collo appensa reverenter, & caute deferat. Clericum, si fieri potest, adhibeat, qui Crucem sine hasta, vas aquæ benedictæ cum aspersorio, & Rituale Romanum gestet, Gossipium, quo Sacerdotis digiti, & partes corporis ægroti sunt abstersæ in Ecclesia non in ægroti domo cremetur, & cineres in Sacratio reponantur. Hoc Sacramentum potest reiterari, sed non in unius periclitantis morbi cursu, in quo semel ministratur; si vero convaluerit, & postea in morbum inciderit, tunc iteretur. Ua-

I

tio,

Etio, quoties noviter periculose ægrotat.

§. VII.

Quoniam obligatio ministrandi Sacramentum est gravis: ideo Parochi curent, ne quisquam ægrotus, ex sua negligentia, discedat ex hac vita sine hoc Sacramento. Quare post Unctionem non relinquunt ægrotum in ultimo vitæ discrimine, cum hoste colluctantem, & illum morientem ad pios contritionis sensus excitent, & Fidei, Spei, & Charitatis actus ei crebro proponant etiam jugiter adjuvare conentur precibus ab Ecclesia institutis ad animarum commendationem, præsertim Apostolica benedictione in articulo mortis, quam facultatem Nobis a dicta Apostolica Sede delegatam omnibus Archipresbyteris Curatis subdelegamus. Et ad hanc

mo-

morientium adfidentiam volumus, ut omnes Sacerdotes cujuscumque Ecclesiæ nostræ Dioecesis, ut moris est, adjuvent Archipresbyterum, ita ut moriens habeat continuam adfidentiam. Enimvero in hac nostra Dioecesi si Ecclesiæ omnes sunt receptitiæ, ubi Sacerdotes æqua lance participant, ideo æqualiter laborare debent, primo Curati, & postea gradatim alii Sacerdotes de Cleri gremio.

De Ordinis Sacramento.

§. I.

Cum Ordinis Sacramentum a Christo Domino nostræ salutis amantissimo institutum sit, ne deficerent in populo qui Ecclesiam Sanguine suo fundatam continuo regerent; ideo qui in sortem Domini sunt vocati, & Ecclesiæ Militiæ adscribi volunt, eam scientiam,

morum integritatem, & castimoniam habere debent, quam sacra ministeria, & animarum regimen efflagitant, ne incidant in illud Osee oraculum: *Quia tu scientiam repulisti, repellam te, ne Sacerdotio fungaris mihi.* Quod si cœtus Christianorum dicitur *gens sancta* I. Pet. 2.9; potiori jure a Sacerdotibus sanctitas est colenda. Quare heic Nos quædam statuenda curavimus, quæ respiciunt mores, & scientiam eorum, qui ad Ordines promoveri amant; namque de castimonia alibi loquemur.

§. II.

Quoad mores attinet, nemo ad Ordines se ascensurum esse speret, nisi prius ad Nos exhibeat ea omnia testimonia, quæ in nostro edicto de die 1. Junii, & in nostra ultima Diocesana Synodo confirmata

mata præscripsimus, quæ omnia tanquam
hæc transcripta, & inserta censeantur.

§. III.

Quoad scientiam vero spectat, præcipimus, eos omnes, qui ad Ordines sunt promovendi, non solum latini idiomatis intelligentiam, quæ in generali examine ex sacris Paginis, Conc. Triden., & Catechismo Rom. comprehenditur, callescere, verum etiam accuratum omnium, quæ hic inferius ad singulos Ordines pertinere videntur, subituros esse examen.

Pro Prima Tonfura.

De rebus ad Ordines generatim, de ipsa Tonfura, & de Doctrina Christiana.

Pro Minoribus Ordinibus.

De rebus ad prædictos Ordines pertinentibus, de Censuris, & de Irregularitatibus.

Pro Subdiaconatu.

De Ordinibus Majoribus in genere, & de ipso Subdiaconatus Ordine.

De Actibus humanis.

De Conscientia.

De Legibus.

De Peccatis.

De Voto.

De Horis Canonicis.

Pro Diaconatu.

De ipso Diaconatus Ordine.

De Præceptis Decalogi in genere, & specie.

De

De præceptis Ecclesiæ.

De Justitia, & Jure.

De Contractibus in genere, & specie.

De Restitutione.

Pro Presbyteratus Ordine.

De Ordine Presbyteratus.

De Sacramentis in genere, & specie.

De Virtutibus.

De Rubricis ad Missam pertinentibus.

Et si quæ cuique Ordini assignavimus, sufficient ad gradatim eos suscipiendos, tamen illa sola non valent ad Sacerdotale munus plene adimplendum. Quocirca Clerici ad Ordines promoti, curent, quam maxime ad suam, & populorum sanctificationem, instructionemve ea multarum scientiarum notitia impinguare, & præsertim scientia a sacris Canonibus, a SS. Patribus, & Sacra Scriptura hausta, &

non a vanis disciplinis, quæ curiosam rerum humanarum indaginem scrutantur. Nam Scriptura divinitus inspirata, teste D. Paulo utilis est ad docendum, ad arguendum, ad corripiendum, ad erudiendum in iustitia.

De Matrimonii Sacramento.

§. I.

Matrimonium, quod ab initio mundi tanquam officium naturæ Deus instituerat, in plenitudine temporum Christus Jesus ad Sacramenti dignitatem voluit evectum, per quod & conjugibus gratia confertur, & ejusdem Christi cum Ecclesia sponta sua conjunctionem, strictumque vinculum, nec non ipsum Incarnationis Mysterium repræsentat. Hinc Apostolus ait: *Viri diligite uxores vestras,*

stras, sicut & Christus dilexit Ecclesiam . . . Sacramentum hoc magnum est: ego autem dico in Christo, & in Ecclesia! Ephes. 5. 25. 39. Quare ut hoc Sacramentum ea, qua par est, sanctitate, & religione pertractetur, & recipiatur, quædam ad Canonum normas, & prout Pastorale nostrum munus poscit, ad majus ejusdem Sacramenti bonum procurandum statuere curavimus.

§. II.

*Archipresbyteri Curati omni studio, & vigilantia procurent acriter reprehendere juvenes, qui antequam sacrum in-
eant sædus, per plures menses, immo
& annos amoribus vacant, nec non pa-
tres, & matres, quæ sub vario prætextu
collocandi filias permittunt secreto invi-
cem*

cem cum amasis loqui, & frequentem familiaritatem habere, & matrimonia ita contracta reputare prout effecta. Quare cum hoc sit periculi plenum, iidem Archipresbyteri perniciosissimum hunc morem omni vi extirpare contendant, & si non audiantur, certiores faciant Nos, ut efficaciora remedia adhibeamus. Qui vero post consueta sponsalia simul rem habuerint, non absolvantur, nisi per Nos: quapropter monemus Archipresbyteros, ut antequam incipiant denuntiationes, vocent futuros sponfos ad Pœnitentiæ Sacramentum; secus denuntiationes non fiant, ne in actu celebrationis matrimonii in varias animi angustias, & perturbationes incidant, causa evitandi scandala, aliaque inconvenientia.

§. III.

Explicent Parochi sæpius populo, Matrimonia sponte, & libere contrahenda esse, non per vim, & metum, & qui ejusdem libertatem violarit, anathematis vinculo esse ligatum, juxta Trid. sess. 24. de Reform. Matrim. Cap. 1., & dispositum in Rit. Rom. Explorent pariter contrahentium ætatem, an sit legitima, vel inter se se aliquod impedimentum tam Dirimens, quam Impediens existat; & antequam fiant proclamationes Sponsi subiiciantur examini in Doctrina Christiana; de cujus peritia Parochi fidem Nobis exhibeant; & ne perturbationes inter partes excitentur, Parochi est, omnia præcavere gravi diligentia, quæ par est.

§. IV.

§. IV.

Tribus continuis; non sibi proxime
 successivis diebus festivis de præcepto de-
 nuntiationes a S. T. C. præscriptæ inter
 Missarum solemnia a proprio contrahen-
 tium Parocho habeantur. Si vero spon-
 sus, vel sponsa in pluribus locis nostræ
 Diœcesis domicilium etiam per sex men-
 ses fecerint, pariter ibidem fiant denun-
 tiationes, & a fortiori extra Diœcesim;
 nam Matrimonium contrahi nequit sine
 illius Ordinarii literis testimonialibus No-
 bis productis, & adprobatis. Archipres-
 byteri Curati, sine nostra in scriptis li-
 centia, duas, vel unam pro tribus pro-
 clamations nullatenus faciant. Expo-
 nant quoque populo impedimenta, quæ
 matrimonium illicitum, irritumque fa-
 ciunt, gravem culpam, gravesque penas,
 quas quisque incurrit, si sciat aliquod
 ca-

canonicum impedimentum, & per humanos respectus negligat ipsis Curatis, vel Nobis revelare. Si vero aliquod impedimentum detectum fuerit, illico intermittat proclamationes, & Nobis aperiatur. Qui vero falsum impedimentum denunciaverit, præter gravem culpam, quam patravit, gravibus etiam pœnis erit plectendus.

§. V.

Exteri, ignoti, vagi non jungantur in matrimonium, nec de iis fiant denuntiationes, nisi prius Nobis suorum Ordinariorum indubiis documentis testimoniales litteras præsentaverint, quibus perpenſis, & probatis contrahendi licentiam in scriptis concedemus. Et ut feminei sexus verecundiæ consulamus, volumus laudabilem morem celebrandi matrimonium

nium coram Parocho mulieris servari ab omnibus nostræ Diœcesis Parochis, & Sponsi autem non solum, ut alibi diximus, ante proclamationes, sed etiam ea die, qua matrimonium ineunt, Pœnitentiæ Sacramento se purgent, & salubri Eucharistiæ Sacramento reficiantur, ut gratiam tanti Sacramenti recipiant. Matrimonium autem celebretur tantummodo de mane, orto jam sole, in Ecclesia, & diebus non vetitis, qui sunt a Dominica I. Adventus usque ad Epiphaniam inclusive, & a die Cinerum usque ad Dominicam in Albis inclusive. Si vero adsint legitimæ causæ, dispensatio a Nobis in scriptis peti debeat.

§. VI.

Parochi statim ac matrimonium sit celebratum, illico nomina, cognomina contrahentium, pariterque contracti matrimonii locum, diem, mensem, & annum in libro ad hanc rem bene comparato, non arithmetice notis, sed suis literis extensis, non compendiatis, verbis perspicuis describere, & proprio nomine subscribere per se debent.

§. VII.

Cum multi ineant matrimonium, & nesciant, quæ sint ejus bona, mandamus propterea omnibus nostris Archipresbyteris, ut ante, & post contracta matrimonia, & quoties opportunitas se offert, ea explicant; fidem nimirum, prolem, & Sacramentum, ut sic mutuo adjuvantes,
& in

& in communi coptubernio pietatem, & concordiam servantes vivant, mutux charitatis vinculum, quo arctissime conjuncti sunt, sola morte rumpi, & separari patiantur. Prolem, si Deus daturus sit eis, sancte possint educare, & instruere, speciatim in iis, quæ ad pietatem, & religionem Christianam, & virtutes omnes spectant. Demum, ut curent magnopere sponsi ne frangant eam fidem, quam promiserunt, sed etiam in matrimonio maritali castitate vivant,

C A P U T III. DE DISCIPLINA ECCLESIASTICA.

S E C T I O I.

*De Archipresbyteri Curati, Cantoris,
Vicarii Foranei, & Confessorio-
rum officio.*

§. I.

Cum omnes Ecclesie nostra Diocesis sint civicae, receptitiae, innumerae, & actualis animarum cura principaliter ab Ecclesie Archipresbytero agatur, qui praecedentiam super omnes alios de Cleri gremio habet, non sine adjutorio omnium de clero; ideo necesse est ut omnibus virtutibus, & doctrina super alios splendeat; unde mores, actusque suos ita componere debet, ut omnium

ad

K

fit

fit exemplum bonorum operum in doctrina, in integritate, & gravitate. Quare magnopere Archipresbyteri omnes curent sacra recta servare ea, quæ in hac Synodo præscripta sunt, & quæ inferius dicturi sumus de vita, & honestate Clericorum. Fugiant interea nimiam familiaritatem, præcipue cum mulieribus, comestationes, confabulationes in foro, & ludricos congressus; nam nunquam gravitatem servabunt, si subditorum caribus se immisceant. Avaritiam quoque, ejusque suspicionem a se abesse studeant ita ut non pascant, ut comedant, sed comedant, ut pascant; ut ait D. Bernardus.

§. II.

Quæ in hac nostra Synodo de verbi Dei prædicatione, & Evangelii expositione, de morum doctrina excolenda, de
Chri-

Christianæ Fidei rudimentis explicandis ,
ceterisque , quæ sparsim sancita sunt , &
ea omnia , quæ Dei cultum , animarumque
salutem respiciunt , totis viribus , lubenti-
que animo adimplenda curent .

§. III.

Affiduas preces , & vota pro ovibus
suis ad Deum fundere studeant , omni-
busque diebus festis sive per se , sive per
turnum ab aliis sacerdotibus de suo cle-
ro , juxta cujusque Ecclesiæ mores , ut
alibi dictum est , pro illis Sacrificium of-
ferant : nam Sp. S. ait : *Immola pro pec-
cato tuo , offer holocaustum , & deprecare
pro te , & pro populo.*

Moneat populum de necessitate orationis ad salutem æternam consequendam, & interim ei explicet requisita necessaria ad bene, pie, & utiliter orandum. Orationem mentalem adeo commendatam omnibus inculcet; ejusque modum, atque usum saepe exponat, immo practice in Ecclesia fiat meditatio, specistim super novissimis; nam Sp. S. inculcat: *Memorare novissima tua, & in æternum non peccabis.* Laudabilem consuetudinem invitando populum ad salutationem Angelicam mane, meridie, vespere, & vicesimaquarta diei hora, nec non fundendi pro defunctis preces prima noctis hora quisque Archipresbyter retineat. Statis temporibus cineres, palmas, & domus in Sab. S. benedicat, sive per se, sive per alios de clero, juxta cujusque Ecclesiæ mores.

§. VI.

In Sacramentorum administratione sit sollicitus, immo obviis perentibus ea. In diebus festivis primo mane sedì confessionali affideat, & omnes cum charitate audiat, non verbis in urbanis, & asperis deterreat, vel expellat. Præsertim invigilet, ne quisquam Sacramentis haud munitus e vivis discedat. Ægrotos, etiam non vocatus, inviset, eosque soletur, & juvet in spiritualibus, & temporalibus omni modo, quo potest. Indefinenter insuper ovibus suis advigilet, quas de suis manibus requireret Dominus, easque præsertim quæ errant, consecretur. Investiget etiam, an dissensiones, inimicitiae, odia ovium unitatem discendant, an conjuges propria libertate diversum habeant rectum, an inter diversi sexus personas suspectæ foveantur familiarites, aut ma-

le olentes amicitia, aut publici blasphemii, concubinarum, fortilegii, morum corruptores, fraudulentum, dierum festorum profanatores, lascivi, alique hujusmodi perditum homines, & scandalosi in suis districtis commorentur. Si hos invenerit Archipresbyter primum paterne moneat, & obsecratur, ut se ad meliorem frugem reducant, tum severius increpet, & objurget, demum si nil proficiat, ad Nos referat, ut eos coercere possimus.

§. VII.

Libros parochiales tum antiquos, tum recentes Baptizatorum nempe, Confirmatorum, Matrimoniorum, Mortuorum, status animarum diligenter custodiat. Item testamenta, codicilla, instrumenta, inventaria, processus, & documenta omnia, quæ ad Ecclesiam bona, redditus, privilegia,

gia, jura, onera quæcunque pertinent, reliquiarum quoque testimonia, indulgentiarum diplomata, & visitationum decreta, summa cura in archivio in sacristia bene posito, & duabus clavibus clauso servet, quarum clavium una sit penes se, & altera penes Archivistam, vel Procuratorem cleri, vel alium de clero juxta mores cujusque Ecclesiæ, ne detur occasio aliquid ex iis evolandi. De omnibus his fiat exacte inventarium cum duobus testibus de clero, & exemplar ad Nos transmittatur, ne aliquid cursu temporis memoria pereat.

De Cantoris Officio.

§. I.

Cantor, seu Rector Chori est, qui in omnibus Ecclesiasticis functionibus, &

præsertim in Divinis officiis ordinem ponit, ut ea debita religione, modestia, uniformitate, & gravitate ab intervenientibus in chorum fiant. Quare statutis horis, ad tabellæ horariæ normam in Synodo Prædices. nostri positæ & cum hoc confirmatæ faciat dare campanæ primum signum, ad alterum vero omnes choro addicti præsentem fiat, & choraliter induti habitu bini, & bini, non turmatim, vel unus post alium, ad chorum eant, ubi facta aliarum, & invicem reverentia, quisque ad suam sedem se ponat, in qua brevibus præmissis precibus, Divinarum Laudum per hebdomadarium initium fiat, quod reliqui excipientes, alternis vicibus, clara voce canendo, debita pausa in medlis versiculis interjecta, prosequantur, tum simul assurgant, sedent, genuflectant, caputque inclinent, quemadmodum verba, & tempora requi-

+ ✠

runt,

runt, prout in Rubricis præscribitur.

§. II.

Neminem permittat e choro discedere, nisi Divino absoluto officio; & si quæ gravis necessitas quemquam illinc abire cogat, a chori Rectore licentiam petat. Completis demum Divinis Officiis, eadem ratione, & ordine, quo se in chorum contulerunt, in sacristiam redeant.

§. III.

Cantoris est chori disciplinam accurate tueri; negligentes benigne modere; & contumaces ad Nos referre; adeoque omnes, qui in choro adsunt, caveant, ne quid in corpore incompositum præferant; aut crura distendant, sive alterum alteri supponant, aut præ radio dormiant. a

mul.

multoque minus confabulationes, & risus edant, literas, aut alia scripta legant, proprias relinquant sedes, aut strepitum ciant; secus gravibus pro circumstantiarum ratione poenis a Nobis afficientur. Demum quo tempore Divina recitantur officia, duo saltem luminaria in altari ardeant; in Missa vero solemni, & vespers, ubi tunc adhibetur, sex omnino cerei accendantur.

De Vicariis Foranei Officio.

§. I.

Cum nostræ Diocesis multa oppida, eaque inter se distita, complectatur, ne grex noster iccirco detrimenti quid patiatur, necesse fuit eligere in nostræ Pastoralis sollicitudinis levamentum Vicarios Foraneos, pietate, doctrina, & prudentia præ-

præditos, ad nostrumque arbitrium amovibiles, quot sunt oppida, & ut ipsi suum officium exacte adimpleant; quædam monenda duximus.

§. II.

Manus ergo eorum erit inquirere; an Canonice sanctiones, decreta in S. Visitatione, & in hac Synodo lata diligenter servantur. Qua de re has Synodales Constit. persæpe revolvant, & tanquam vigiles, qui custodiunt civitatem, oppidum sibi commissum perscrutari non desinant, perscrutantes Jerusalem in lucernis. Inquirant præterea in Ecclesiasticorum mores, & ad quæ in hac Synodo de vita, & honestate Clericorum sancita sunt, fideliter exequantur. Quos vero ab Ecclesiæ disciplina deflectere norint, paterne moncant, & si sint inobedientes, ad Nos

re.

referant, ut puniantur. Præcipue tamen inspiciant, an cura animarum exacte adimpleatur, in prædicatione, in Sacramentorum administratione, præsertim ægrotis, in edocendis pueris, & rudibus fidei rudimenta, & in omnibus aliis, quæ ex officio præstare debent animarum Rectores; & si in hisce peccare noverint, prius benigne moneant, & si audire nolint, ad Nos postea referant, ut opportunis remediis occurramus.

§. III.

Curent magnopere, ut Ecclesiæ bona fideliter custodiantur, & prædia, & domus Ecclesiarum potius in augmentum, quam in deteriorationem eant; & si qua a clericis adtentatur alienatio qualiscunque, puta venditio, enphyteusis, pignus, vel locatio, ad firmum, seu ad longum

tem-

tempus, & ultra triennium, Nobis in-
 consultis, & sine debitis solemnitatibus,
 Jure Canonico, & Civili præscriptis, il-
 lico impendant, & ad Nos referant, ut
 opportunis remediis, & pœnis occurrā-
 mus. Procurent insuper, ut statim ac
 restituuntur capitalia, & integrentur cum
 solemnitatibus jure præscriptis; nec per-
 mittant, ut procuratores ea apud se retineant
 vel aliqui de clero de ipsis negotia insti-
 tuant, vel suis necessitatibus applicent;
 cum adnotatione tantum in Ecclesiæ li-
 bro; & si qui inobedientes reperiantur;
 ad Nos referant pro opportunis remediis.
 Volumus tamen omnes pecunias, quæ
 jam restitutæ, & penes sacerdotes repe-
 riuntur, debitis solemnitatibus, & con-
 suetis cautelis muniri; secus non effugient
 pœnas Canonicas per Nos infligendas.

§. IV.

Invigilent præterea, an onera Missarum, legata pia, anniversaria; & cetera adimpleta sint. Item si Missarum tabella sit confecta, & in sacristia adfixa, & si archivium, ut alibi mandavimus, existat, & omnes scripturæ, & Ecclesiæ documenta in ea asserventur. Demum curent, ut omnia, quæ sibi sparsim in hac Synodo ex officio commissa sunt, adimpleantur.

De Confessarii Officio.

§. I.

Cum Confessoris munus, humeris angelicis tremendum, exigat, ut ipse sit filiorum spiritualium pater, doctor, iudex,

dux, & medicus, consequens est, ut de
hiscè characteribus, prout circumstantiæ
efflagitant, loquamur.

§. II.

Cum patris sit, filium ordinate amare,
dirigere, suisque necessitatibus consulere,
hinc confessarius non solum filios suos
spirituales paterne diligere debet, sed etiam
curare, ne in suis actionibus errent, & in
suis necessitatibus desperentur; unde cum
charitate, & benignitate, & sine persona-
rum acceptione debet eos amplecti, &
hilari, & lubenti animo audire.

§. III.

§. III.

Quoniam Doctoris partes postulant, ut ipse aliis consilium det, & instruat, ideo confessarius intelligit, ad bene munus suum exercendum scientias necessarias comparandas esse; adeoque oportet, ut ipse, acquisitis bonis, & cordationibus auctoribus, qui de Theologia Morali, & Practica tractant, nec non libris asceticis diu, noctuque eos verset, & scrutetur, ut suis instructionibus, & piis monitis, suis poenitentibus occurrere possit exacte discernendo, & ut Judex pensando peccata; & eis dando congruam, & dignam poenitentiam.

§. IV.

Onus periculosum, quod confessarius sustinet, est illud spiritualis medici; quoniam

niam debet invenire opportuna remedia , unde filii sui in posterum a peccatis abhorreant ; quapropter modis omnibus debet eorum vulnera curare , ut deinceps non amplius renoventur , mox medicinis blandis , mox acrioribus , & mox æconomicis , donec salutem omnino poenitentes recuperent . Et hic optamus , & commendamus sacram conspirationem , sacrumque fœdus inter confessarios , ne unus liget , solvat alius ad propriam , & poenitentium perniciem , unus ædificando , alius destruendo .

§. V.

Quæ in hac Synodo de confessariis dicta sunt , curent accurate adimplere , & speciatim de academia casuum moralium , ac possint suum munus facilius exercere , & animas ad Christi ovile ducere .

L

SE.

S E C T I O II.

De Procuratoris Officio.

§. I.

Cleri Procurator dicitur ille, qui a Clero electus sive per turnum, sive per secreta suffragia, prout est cujusque Ecclesie mos, bona, & integrum patrimonium in unius anni cursu ejusdem Ecclesie administrat. Itaque, ut hic recte, & quæ par est, integritate, vigilantia, & religione munus suum obire studeat, ea, quæ inferius sequentur, præscribenda putavimus.

§. II.

Procurator ergo omnes redditus suæ Ecclesie procurare, & conservare debet, quos dividere habeat inter reliquos de
Cle-

Cleri gremio, demptis tamen expensis, quæ legitime suæ administrationis tempore erogatae fuerunt. Verum ab hujus muneris exercitio eximantur Archipresbyteri, & quicumque nomine Curati, valetudinarii, & qui septuagesimum suæ ætatis annum expleverint. Quoad valetudinarios vero judicium Nobis reservamus.

§. III.

Officium Procuratoris ultra annum non protrahatur, & si insurgant quæstiones inter ipsum, & successorem, statim clerus eligat aliquem de gremio, ut interim bona Ecclesiæ administret, ne, dum illi litigant, illa pereant. Expleto anno, Procurator infra dies viginti reddat suæ administrationis computa coram duobus Rationalibus, a Clero per suffragia secreta deputandis, qui exacte librare, & nume-

rare debeant omnes exitus, & expensas, ab ipso factas, quæ non admittantur præter ordinarias, & eas, in quibus cleri consensus accessit, quamvis sint modicæ, exhibitis semper legitimis documentis.

§. IV.

Alienationes quocunque nomine nuncupatæ nullius sint roboris, immo sint nullæ & irritæ, si extra casus a Sacris Canonibus permisos, vel sine præscriptis a jure solemnibus fiant; nec non permutationes, aut oppignorationes, vel concessionem in emphyteusim, aut quovis nomine vocentur alii contractus, qui sine debitis solemnibus fiunt, proinde nulli sint. Procurator vero in locationibus pertractandis, quæ triennium utile excedere non debeant, nihil agat pro suo libitu, sed receptis oblationibus, eas fideliter cle-

ro proponat , & quod ipse per majora suffragia deliberat , Procurator executurus sit . Idem quoque servetur in nova capitalium investitione , aliisque Ecclesiæ , vel Cleri interesse spectantibus .

§. V.

Nullus audeat incidere arbores in fundis Ecclesiæ positas , exceptis illis , quæ vulgo appellantur *Cedue* , utpote existimantur potius fundi fructus , quam proprietas , aut quæ sunt jam demortuæ , in quarum demortuatarum locum aliæ substituantur , ut facta testata Ecclesiæ bona successoribus conserventur , & Christi , & pauperum ejus patrimonium habeatur integrum . Meminerint interea beneficiati , & quicumque de Ecclesiæ proventibus aluntur , ut circa bonorum proprietatem ita se gerant , ut bonum deceat administratorem . Itaque in illis reparandis vigilantes , & non negligentes sint .

Ut Procurator recte se gerat, quicquid pro bono Ecclesiæ regimine pertractandum est semper capitulariter pertractetur; & ut omnia in charitate fiant, nec jurgia, & dissensiones insurgant, quod capitulariter erit discutiendum describatur in scheda, quæ ab ipso Procuratore subscripta adfigatur in Sacristia, & die sequenti, peractis Divinis Officiis, pulsata ad capitulum campana, ut moris est, alta voce per digniorem de Cleri gremio legatur, & per suffragia secreta deliberetur quicquid opportunum coram Deo videbitur. Collectis subinde per Procuratorem suffragiorum signaculis, quod per majora suffragia fuit conclusum exequatur; interim in libro, & non in foliis volantibus capitulum describatur cum omnibus suffragiis, tam adfirmantibus, quam negan-

gantibus. Quando capitula aguntur, eadem non fiant nisi in Sacristia, ut moris est, & si in his aliquid tractetur, quod aliquem de Clero tangat, iste, & ejus conjuncti in primo gradu non permittantur in capitulo adesse. Demum procurationis ad lites, vel ad aliud negotium mandata, & literæ nomine Capituli exaratae nunquam fiant, ipso Capitulo inconsulto.

SECTION III.

*De Presbyterorum Ecclesiis receptitiis
infernientium officio.*

§. I.

Etsi in Ecclesiis receptitiis, civicis, innumeratis, ut sunt omnes nostræ Diocesis Parochiales Ecclesie, actualis anima-

rum cura per solum Archipresbyterum Curatum exerceatur; cuncti tamen de Cleri gremio, & de Ecclesiæ redditibus & emolumentis participantes, quia habitalem curam animarum penes se habent, sunt coadjutores ipsius Archipresbyteri in cura actuali; adeoque in omnibus, sub ejus regimine, se præstare debent.

§. II.

Itaque eorum munia sunt integra Ecclesiæ bona conservare, de ejus administratione, & negotiis deliberare, & de redditibus, & emolumentis, prout est mos cujusque Ecclesiæ, ex æquo percipere. Unde sequitur, ut etiam in laboribus curam animarum spectantibus sint æque parati, & prompti ita, ut in administrandis Sacramentis, in instruendis studibus, & pueris, & in præstanda ægro-

tis proxime ex hac vita discessuris ad-
sistentia, sive per turnum, sive per heb-
domadam, secundum Ecclesiæ morem,
convolent, semper sub Archipresbyteri re-
gimine, & ordinatione, ad confusionem
vitandam, & ordinem servandum.

§. III.

Et quoniam in hisce Ecclesiis Sacerdo-
tes ipsis addicti ex immemorabili consue-
tudine, multis documentis comprobata,
tenentur singulis diebus Divinum Offi-
cium in Choro recitare; ideo mandamus,
ut hæc recitatio non deficiat; & ut com-
modius exequatur, volumus per hebdoma-
das eam fieri; dummodo tamen in una-
quaque hebdomada Sacerdotes non sint
minus octo; in Ecclesiis autem, in qui-
bus Sacerdotes sunt minus octo, saltem
diebus festivis, & si sub unico præcepto
sint,

sint, Officium reciteretur, in quibus diebus tam sub uno, quam sub utroque præcepto Sacerdotes non interveniant per hebdomadam, sed omnes tenentur Choro interesse, choralis habitu induti, veste talari nempe, cocta, & birreto, sine quibus tanquam absentes reputantur. In Choro vero omnia, quæ in Cantoris munere præscripta sunt, exequi mandamus, & tanquam hæc repetita volumus intelligi.

§. IV.

Qui vero a Choro deficiunt in hebdomada sibi deputata, vel diebus festivis, volumus, eos rigorosæ punctaturæ esse obnoxios, quam subeant etiam qui, Divinorum Officiorum tempore manent in Sacristia, vel in Choro sine habitu choralis. Quare singulis annis mandamus, ut

a. Cle.

a Clero capitulariter, & per secreta suffragia eligantur duo punctatores, qui ad hujus muneris exercitium non admittantur, nisi præstito juramento de bene, fideliter, & sine ulla personarum acceptione agendo; quod præstetur in hac nostra Cathedrali Ecclesia in manibus Adm. R. Archidiaconi, in cæteris inferioribus in manibus Adm. Rev. Archipresbyteri, aut Œconomi Curati. Iidem conficiant duos libros, ubi quisque in suo, pro modo fallentiarum, describat defectus eorum, qui Choro non interfuere, exceptis Archipresbyteris Curatis, dum curæ suæ vacant, & confessoribus, dum in sola Ecclesia Parochiali actu confessiones audiunt, aliisque, qui jure a Choro excusantur, reliqui vero, posthabita quacumque collusione, aut remissione, punctaturæ subjiciantur aliter tam remittens, quam recipiens ad restitutionem tenentur. Circa

le.

legitime impeditos, nullum punctatori relinquatur arbitrium, sed de iis feratur iudicium in Collegio. Prædicti libri tempore S. Visitationis Nobis exhibeantur, ut recognoscantur, & exploretur, an omnia recte, & bene se habeant.

§. V.

Quisque Sacerdos per se munus obire tenetur, adeoque alii Sacerdotes substituti non admittantur, nisi urgenti necessitate, qui vero susque deque ferentes punctaturam a Choro absunt etiam ad Canonum normam puniantur. Volumus interea, ut ex Æte observetur tabella horaria, quæ in Sacristia sit semper affixa, & a primo campanæ signo usque ad introitum in chorum interponatur mediæ horæ spatium; aliter qui deficit, non meretur punctatura puniri.

§. VI.

§. VI.

Quemadmodum nostræ Cath. Canonici cæteros de Clero nostræ Diocæsis dignitate præeunt, sic præeant moribus; respondeat eorum vita titulo, respondeat nomini, sintque re ipsa, ut sunt nomine, Canonici, idest regulares. Residentiæ tempore, ad normam statutorum Chori, servitium non eadeat, sed exacte impleatur, ut reliqui Sacerdotes, eorum exemplo, tanquam lucerna super candelabrum posita prælucente, excitentur ad studium & amorem Divini Numinis colendi in hymnis, & canticis, & sequantur eos, ut normam, in Choro psallendi Divinas Laudes.

SE.

De vita, & honestate Clericorum.

§. I.

Eos, qui in sortem Domini vocati sunt Clerici, non solum vitæ sanctitate, verum etiam factorum, dictorumque modestia, aliisque exemplo esse oportet; quapropter in Sacris Libris ii comparantur lucernæ, quæ posita excelso in loco omnes fideles illuminat; vocantur etiam sal terræ, qui eorum corruptionem impedit. Inde clare patet populi sanctitatem in ipsa clericorum sanctitate comprehendi, ut conversatione, sermone, & scientia commisso sibi Dei populo præeant, ut ait Tridentinum sess. 14. decr. de Reform. in Proæmio. Itaque unicuique clericorum, quam maxime cordi esse debet ducere
eam

eam videndi rationem, ex qua omnes præclarissimum virtutum exemplum recipere possint. Quare animus noster his compulsus coegit Nos promulgare, immo renovare ea, quæ a Sacris Canonibus, & a Summis Pont. de vita, & honestate clericorum sancita fuere.

§. II.

Ab exteriori ergo initium facimus, unde maxime cujusque mores dijudicari solent. Quare Pastoralis nostra auctoritate mandamus, ut Sacerdotes, & quocunque nomine clerici, vel ad rem Divinam faciendam, vel cæteras sacras functiones peragendas, vel ad operam Choro navandam, veste talari nigri coloris, & undique clausa se induant, prohibitis omnino vestibus, quæ vulgo dicuntur pichefcio, o fortane senza maniche; aliis vero tem-

po-

poribus, & in itinere vestes breviores nigri coloris, & ad modestiam, atque decentiam compositas toleramus, repulsis semper illis, quæ sæculi vanitatem redolent: quapropter quæ vulgo dicuntur, giacchette, capani, sarache, calzoni lunghi alla matalotta, o di qualunque altro nome, cappotti colla pellegrina grande, e lunga, cappello a cantarello, e di qualunque altra forma, e non già alla Romana, ch'è proprio de' Cherici, omnino prohibita sunt, sub poenis in Sacris Canonibus, & in nostro edicto contentis, in executionem Regalis Diplomatis, emanato die 23. Octobris 1815. , quod in calce hujus Synodi ad claram omnium intelligentiam ponendum curavimus.

de l'ordonnance de S. M. III. relative aux affaires
ordonne officiellement aux russes de prendre les

Clerici omnes clericalem coronam suo ordini correspondentem, & conspicuam gerant; caput tonsuratum sit non ad præsentis seculi formam, relicto vulgo *ceriffo* super illud ipstar caprarum, & collo penitus denu-
dato, instar eorum, qui ad trimeses sunt damnati. Barbam decenter rasam ha-
beant, nec in ea relinquantur vulgo bas-
sette variis modis tortæ, quæ potius mon-
struositatem, & cordis corruptionem sa-
piunt. Capillitium adscitum (vulgo *par-
rucca*) non audeant ferre; nisi cogente ne-
cessitate, & obtenta licentia. Collare
tam intra, quam extra mœnia, nunquam
dimittant, unde quæ dicuntur vulgo scol-
lette, etiam si nigri coloris sint, omnino
non ferantur extra propriam domum, et
si pergat in longiorem locum: nam vo-
lumus quocunque gradu clericos semper

M

\$2-

tales ex exteriori habitu ab omnibus cognosci debere; secus poenas dicto nostro edicto contentas, & alias, ad normam canonum, non eludent.

§. IV.

Quicumque in nostrum Dioecesanum Seminarium, quod Nos per totum annum continuare curavimus, ingredi cupit, prius sit provusus cotta, birreto, & proprio habitu, ad formam seminariis conformato, videlicet sortana saxe coloris violacei, & subcoccineis sericis extremis adornata, cujus globuli sint pariter serici ejusdem coloris, cotta ligamine vulgo fettuccia, quæ sit a Novitiatu usque ad Subdiaconatum exclusive, albi coloris, a Subdiaconatu usque ad Diaconatum inclusive coloris viridis, & in Presbyteratu rubri coloris. Producat etiam

sup-

supplicem libellum explicantem suum desiderium, munitum cæteris requisitis de moribus, & studiis. In seminario admittus procuret, se imbuere virtutibus sanctis, & doctrina, ut possit in Dei Ecclesia utilis operarius evadere. Nullus præsumat ad Ordines ascendere, nisi per tres saltem annos in Ven. Seminario moram traxerit, ubi de suo profectu probatum experimentum circa bonos mores, & scientias convenientes, moraliter certos nos reddat de suo in posterum progressu. Nullus audeat in Seminario præterire uniformitatem supra descriptam; secus ex Seminario dimittatur, & spe ad ordines promovendi privetur.

Non solum externo cultu, & vestitu, verum etiam incessu, gestu, sermone, & conversatione nil nisi grave, moderatum, & Religione plenum quocunque nomine Ecclesiastici præferant; ideo contubernium, & familiarem vitæ societatem cum foeminis ne ineant, nisi sint consanguineæ, saltem in secundo gradu, vel affines in primo, cum quibus ita honeste se gerant, ut nulla incontinentiæ, scandalive suspicio suboriri queat. Si vero consanguineas, aut affines non habeant, non audeant domi ad suum servitium recipere mulierem qualemcunque, sed eam, quæ sit annis sexaginta, probatissimis moribus, & cum nostra licentia. Absit vero, ut aliquis clericus in quolibet gradu constitutus se ad mulierum suspectarum domus conferat, aut cum eis quomo-

modocunque conversetur, vel alias sceminas per viam passim deducat, vel, quod gravius est, porrecto brachio, gradientes regat. Idem, ne ullam mulierem doceat legere, scribere, canere, musica instrumenta pulsare, aut alia id genus exercere, sine nostro in scriptis permissu, pariter in Baptismo, & Confirmatione sine nostra licentia non inscipiat patrini munus, ne scandalum oriatur.

§. VI.

A cauponis, & tabernis, præterquam in itinere, omnino clerici se abstineant, nec non a conviviiis, & laicorum compositionibus, in quibus temperantiæ leges infringuntur, & licentiæ fræna relaxantur. Præterea publica spectacula, scenica, histrionum jocos, choreas sive publicas, sive privatas constanter fugiant. Insuper personati seu larvati nunquam incedant.

Talorum, taxillorum, omniumque aleatum ludis abhorreant, nec spectatores ludentibus se adjungant. In foro demum, vel alio publico, frequentique loco, nec pila, nec rotula, nec trocho ludere audeant, sui que spectaculum populo facere, magno cum Ecclesiastici ordinis probro, & dedecore.

§. VII.

Omne armorum genus, & speciatim, quæ ignem explodunt, interdictum sit clericis juxta Cap. *clerici arma, de vita, & honestate clericorum*, & Regni Politiam. Quapropter venationes, quæ armis ignivomis fiunt, sunt etiam prohibita; nam arma clericorum sunt orationes, & lacrymæ.

§. VIII.

§. VIII.

Quemadmodum Clerici Deum solum
 suæ hereditatis partem agnoscere professi
 sunt, ita secularibus negotiis non se im-
 plicent, nec ullum mercaturæ, aut ne-
 gotiationis genus, sive per se, sive per a-
 lium, etiam ad damnum vitandum, vel
 ad suos sustendandos, sine Ecclesiæ facul-
 tate exercent. Aliena prædia, census,
 & redditus non conducant, vel cum con-
 ductoribus se socient. Mercatus, & nun-
 dinas, negotiorum causa, non adeant.
 Aliorum bonorum procuracionem non ge-
 rant, nec in laicorum domibus rem fa-
 miliarem administrent, sintque in hisce
 rebus omnino obtemperantes Conciliorum
 Decretis, & Sum. Pont. Constit., & præ-
 fertim novissimis Bened. XIV., quæ inci-
 pit: *Apostolica servitutis*, & Clem. XIII.,

cujus initium est: *Cum primum*, quibus
Nos in omnibus inhæremus.

§. IX.
Clerici officia advocati, procuratoris,
judicis in tribunali laico, & judicio tam
criminali, quam civili, non obéant, ex-
ceptis casibus jure permissis, aliisque,
quibus nostra accesserit facultas; nec te-
stimonium faciant coram judice laico
sine nostro in scriptis permissu, præstato-
que juramento in manu nostra, vel
nostri Delegati de dicenda veritate. Quod
testimonium semper intelligitur in causis
criminalibus, cum clausula citra præju-
diciū sanguinis. Medici demum, &
Chirurgi munus non exerçant sine ob-
senta ab Apostolica Sede facultate, quam
Nobis, antequam mederi incipiant, exhi-
beri omnino volumus.

§. X.

§. X.

Nunc vero veniamus ad ea, quæ a clericis agi maxime decet, & quæ ad vitæ sanctitatem sunt necessaria. Quapropter Ecclesiasticos singulos in Domino hortamur, ne ullum diem præterlabi sinant, quin aliquod temporis spatium in oratione, quæ mentalis dicitur, ac piorum librorum lectione impendant, utque quolibet anno per aliquod dies exercitiis spiritualibus operam navent. Quo tempore a chori servitio sunt exempti, & Indulgentia Plenaria a Clem. XI. sua epistola encyclica ditati sunt.

§. XI.

Religionis studium in ipsis clericis quam maxime effulgeat in sacris peragendis, et sacrorum reverentia; unde clerici omnes, ut alibi præscripsimus, sacram Communionem frequenter recipiant, Sa-

cramentali confessione præmissa, nec non Divinis Officiis, sacrosancto sacrificio, ceterisque sanctis functionibus assiduos se præbeant. Sacerdotes etiam non negligant Sacrum facere diebus festivis, præsertim solemnioribus, ceterisque feriis, quoad fieri potest, non modo, ut sint digni Dei ministri, sed etiam ut Christiano populo præbeant exemplo.

§. XII.

Ad sacra vero studia, quæ Ecclesiasticos viros decent, quam maxime incumbant clerici omnes; eosque libros apud se habeant, & volvant, quorum assidua lectione ad obeunda Ecclesiastica munia magis in dies idonei efficiantur; illos præsertim, ex quibus Sacræ Scripturæ, Canonum, Rituum, Dogmaticæ, & Moralis Theologiæ scientiam haurire possunt.

Ha-

Habeant quoque in promptu pios aliquos libros, quibus, sive ad quotidianam meditationem, sive ad populi exhortationem juventur. Hoc enim fideliter adimplentes illud cum summa laude assequantur, ut verbo, & exemplo Christi gregem ad æternam consequendam salutem adjuvent.

§. XIII.

Noverint tamen quicunque sunt clerici, se nullo privilegio, vel immunitate exemptos futuros ab iis, quæ ad morum, corruptionem vitandam, atque Ecclesiasticam disciplinam custodiendam spectant. Si quis ergo has normas violaverit, justas per sacros Canones, & Apostolicas Constit. pœnas statutas irremissibiliter dabit. Quare Vicariorum Foraneorum, & Parochorum conscientiz id onus committimus, ut quisque in sua dirione hæc de vita, & ho-

honestate clericorum decreta fideliter, & religiose ab omnibus servanda curet, & refractarios, inobedientesque Nobis denuntiet, ut opportunis remediis divinæ Gratiæ auxilio, occurrere possimus.

SYNODI CONCLUSIO.

En, venerabiles consacerdotes, & dilectissimi in Christo filii, Synodales Constitutiones, quas sub invocata Sp. S. assistentia, et sub auspiciis B. Mariæ in Cœlum Assumptæ, hujus nostræ Ecclesiæ Cathedralis Patronæ Titularis, incepimus; jam, favente Deo, qui dat velle, et perficere, completas vobis omnibus, et cunctis nostræ ditioni subiectis præbemus. Reliquum est ergo, ut eas omni, quæ par est, diligentia, ad unguem operibus impleatis. Quæ propter omnia, quæ in illis sancita sunt, promptè, exactèque
 ex-

executioni demandentur ; aliter pœnæ a sacris Canonibus statutz, & aliæ arbitrio nostro decernendæ infligentur. Et ne ignorantiz caussa ab aliquibus, qui in sui desidia, & ignorantia marcescunt, adlegare possit ; volumus, ut quilibet Archipresbyter Curatus in qualibet casuum moralium academia, saltem duas earum Paginas, alta, & intelligibili voce legat, & suis de Cleri gremio declaret ; nec non, prout opportunitas se se effert, ea, quæ populum respiciunt, inter Missarum solemnia ei proponat, & Paterno sermone explicet, ut sic omnes audientes vocem Domini non obdurent sua corda, sed renovantes ea in spiritu, & veritate conglorificent Deum in terris, et tandem conregnare in Cœlis valeant cum Deo Patre, qui simul cum Filio, et Spiritu Sancto vivit, et regnat in sæcula sæculorum. Amen.

Fr.

Fr. Ludovicus Episcopus Policastren.
Ego Laurentius Pignataro Cathedralis
Ecclesiæ Archidiaconus Curatus, & Pri-
ma Dignitas.

Ego U. J. D. Etor Ab. Joseph Joachimi
Miele olim Canonicus Theologus, nunc
Cathedralis Ecclesiæ Cantor, & secunda
Dignitas.

Ego Raymundus Bellotti Cathedralis
Ecclesiæ Canonicus Decanus.

Ego Vincentius Maccarone Cathedralis
Ecclesiæ Canonicus.

Ego Ludovicus Giffoni Cathedralis Ec-
clesiæ Canonicus Pœnitentiarius, & Ab-
bas S. Mariæ Gratiarum.

Ego Dominicus Menta Cathedralis Ec-
clesiæ Canonicus Theologus, & Abbas
S. Mariæ ad Martyres.

Ego Augustinus Molinari Cathedralis
Ecclesiæ Canonicus.

Ego Fortunatus Vallone Archipresby-
ter

ter Curatorum Terræ Morigeratorum.

Ego Joseph Palazzo Archipresbyter
Curatus Terræ S. Joannis ad Pyrum.

Ego Vincentius Navazio Archipresbyter
Curatus Terræ Casellarum.

Ego Dominicus Federici Acchipresbyter
Curatus Terræ Baftalearum.

Ego Joannes Antonius Abbas Polito
di Rosa Archipresbyter Curatus Terræ
Casalecti.

Ego Canonicus Federici Archipresbyter
Curatus Turris Urfayæ.

Ego Blasius del Vecchio Archipresbyter
Curatus Terræ Infelinæ.

Ego Abbas Franciscus Cantifani Archipresbyter
Curatus Matricis, & Majoris Ecclesiæ S. Nicolai Civitatis Rivelli.

Ego Abbas Vincentius Rizzi Archipresbyter
Curatus Civitatis Lacusliberi.

Ego Franciscus Maria Crecca Cantor
Curatus S. Jacobi Ap. Majoris Civitatis
Laureæ.

Ego

Ego Blasius Antonius la Corte Archipresbyter Curatus Terræ Saporum.

Ego Franciscus Giffoni Archipresbyter Curatus Vibonatorum Ecclesiarum Parochialium.

Ego Franciscus Finamore Archipresbyter Curatus Terræ Rocchittæ.

Ego Joseph Bortone Archipresbyter Curatus Roccæ gloriosæ.

Ego Nicolaus Flora Archipresbyter Curatus Terræ Turracæ.

Ego Vincentius Cartolano Archipresbyter Terræ Turturellæ.

Ego Joannes Thomas Magliano Archipresbyter Curatus Terræ Leutiscosæ.

Ego Vincentius Guida Archipresbyter Curatus Terræ Pudariz.

Ego Dominicus de Luca Archipresbyter Curatus Terræ Cellarum.

Ego Agnellus de Siervo Archipresbyter Aquævenarum.

Ego

Ego Joseph Jannuzzi Rector Curatus
Terræ Castrorogeri.

Joannes Angelus Ferrarius Œconomus
Curatus S. Mariæ de Podio Civitatis Rivelli.

Simon de Marfico Œconomus Curatus
Terræ Latheonici.

Ego Franciscus Cantor Pugliese Œco-
nomus Curatus Casalìs S. Christophori.

Paschalis Cantor Giffoni Œconomus
Curatus Terræ S. Marinæ.

Nicolaus Brundo Œconomus Curatus
Terræ Spanorum,

Antonius Vassalli Procurator Archipres-
byteri Curati Terræ Siculorum.

Joannes Eboli Procurator Archipresby-
teri Curati Civitatis Laureæ.

Josephus Mercurio Procurator Archi-
presbyteri Curati Terræ Camerotæ.

Augustinus Canonicus Molinari Syno-
di Secretarius.

Franciscus Polito di Rosa Synodi No-
tarius.

N

CA.

CASUS RESERVATI

P R O

DIECÈSI POLYCASTRENSI

I. **B**la'sphemia contra Deum, (expri-
mendo proprie Deum), aut contra Jesum
Christum, vel Beatam Virginem.

II. Abusus Sacramentorum, Sacramen-
talium; Reliquiarum, aut rerum Sacra-
rum ad quodcumque superstitionis genus;
sicut & datio prædictorum ad dictum finem,
etiam abusu non secuto. Item quælibet
superstitio animo aliis nocendi, vel cum
expressa Dæmonis invocatione; necnon do-
centes hujusmodi superstitiones aliis noxias,
vel cum expressa invocatione Dæmonis.

III Juramentum falsum in Judicio,
aut occultatione veritatis cum præjudicio
alicujus. Procuratio item ejusdem falsi
ju-

juramenti , aut occultationis veritatis ; etiamsi damnum sequutum non sit.

IV. Furtum Sacrilegum Rei Sacræ.

V. Damnum datum incendio voluntario.

VI. Injuriosa incisio arborum fructiferarum , aut ramorum earundem , dummodo damnum dictæ incisionis excedat summam ducatorum trium.

VII. Constituentes Promovendorum ad Primam Tonsuram , aut ad quoscumque Ordines patrimonia ficta , falsa , fiduciaria , aut quovis modo fraudulenta , & his quomodolibet scienter cooperantes .

VIII. Conficientes literas cœcas , vel infamatorias , necnon libella famosa , in grave præjudicium Tertii ; Similiter apertientes , retardantes , vel retinentes literas cujuslibet .

IX. Homicidium voluntarium , mandatum , auxilium , aut consilium ad illud .

X. Procuratio abortus foetus animati ,

vel inanimati ; Mandatum , consilium , aut auxilium ad illud procurandum , effectu sequuto , vel non sequuto.

XI. Detentio infantium in proprio lecto, antequam annum compleant , sine debita cautione repaguli , pulvinaris , aut alia ad periculum suffocationis evitandum.

XII. Incestus intra primum , aut secundum gradum consanguinitatis , vel affinitatis , aut cum personis cognatione spiritali conjunctis.

XIII. Nefandum sodomizæ scelus , five consumatum , five non ; five cum mare , five cum uxore , tam active , quam passive : Ac Coitus cum brutis..

XIV. Copula inter sponsum , & sponsam post contracta sponsalia , & ante matrimonium legitime celebratum . Parentem quoque , consanguineorum , vel quorumcumque domus curam habentium , permissio cohabitationis , vel pernoctationis , cum
præ-

præviso periculo peccati inter dictos sponsum, & sponsam.

XV. Quælibet impudicitia Confessarii cum filia spiritali, quæ sæpius ab eo Sacramentum Pœnitentiæ suscepit.

XVI. Sollicitatio Confessariorum, qui personas quascumque sibi confitentes in actu Sacramentalis Confessionis, aut ante vel post immediate, sive in loco, sive occasione; aut prætextu Confessionis ad turpia sollicitaverint, vel cum iis inhonesta colloquia habuerint. Statimque ab audiendis Confessionibus, se noverint esse suspensos.

Declaramus autem his casibus non comprehendi adolescentes ante decimum quartum annum ætatis propriæ, neque mulieres quoad peccata carnalia, uno dumtaxat excepto, quod sponsum inter, & sponsam de futuro committitur, pro quo tamen absolvendi facultas conceditur Curatis in occasione celebrationis matrimonii, audientibus Confessiones contrahentium.

DOTTRINA CRISTIANA

Da leggerfi nel tempo della Messa.

*Il Sacerdote facendosi il segno della
Croce con dire.*

IN nome del Padre , e del Figliuolo ,
e dello Spirito Santo: *profiegue a leggere.*
Le cose principali, che ogni Cristiano
ha da credere per salvarsi, sono .

* 1. Che vi è un solo Dio Creatore, e
Signore dell' Universo , giustissimo , eter-
no, Onnipotente, immenso, che si trova
in ogni luogo , infinitamente perfetto ,
Uno nell' essenza, e Trino nelle Persone,
cioè Padre, Figliuolo , e Spirito Saoto ,
tut-

tutte tre uguali tra loro; perchè hanno una medesima Essenza, e Sostanza Divina.

2. Che il Figliuolo si è fatto Uomo per amor nostro, cioè ha preso un Corpo, ed un' Anima, come abbiamo noi, nel seno purissimo di Maria Vergine per opera dello Spirito Santo; e si chiama Gesù Cristo, vero Dio, e vero Uomo, nostro Redentore, e Salvatore.

3. Che Iddio è premiatore de' buoni, e punitore de' mali; cioè a quelli, i quali muojono in grazia sua Egli dà il Paradiso, dove si vede, e si gode lo stesso Dio per tutta l'eternità; e condanna all' Inferno quelli, che muojono in peccato mortale.

Per ultimo, bisogna credere tutto quello, che crede la Santa Madre Chiesa Cattolica Romana, e tutto quello, che si contiene nel Credo.

Io credo in Dio Padre Onnipotente,

Creatore del Cielo . e della Terra , e in Gesù Cristo suo Figliuolo unico Signor nostro , il quale fu conceputo di Spirito Santo , nacque da Maria Vergine , patì sotto Ponzio Pilato , fu crocifisso , morto , e seppellito , discese all' Inferno , il terzo giorno risuscitò da morte , salì al Cielo , siede alla destra di Dio Padre Onnipotente . Di là ha da venire a giudicare i vivi , ed i morti . Io credo nello Spirito Santo , la Santa Chiesa Cattolica , la Comunione de' Santi , la remissione de' peccati , la risurrezione della carne , la vita eterna . Così è .

Il Credo fu composto dagli Apostoli , e contiene dodici Articoli , o siano dodici verità principali di nostra Santa Fede .

Il Pater noster contiene tutto quello , che si ha da domandare , e sperare da Dio . L' ha composto Gesù Cristo medesimo , e perciò si chiama Orazione Domeni-
ni.

nicale, più eccellente dell' altre.

Padre uostro, che sei ne' Cieli, sia santificato il Nome tuo, venga il Regno tuo, sia fatta la volontà tua, come in Cielo, così in terra. Dacci oggi il nostro pane quotidiano, e perdona a noi i nostri debiti, siccome noi li perdoniamo a' nostri debitori, e non c'indurre in tentazione, ma liberaci dal male; così sia.

Dopo il Pater noster, suole dirsi l'Ave Maria, a fine d'impetrare più facilmente da Dio quello, che domandiamo, per l'intercessione della Beatissima Vergine, la quale è Madre di Dio, Avvocata de' peccatori, e Madre di Misericordia.

Dio ti salvi Maria piena di grazia, il Signore è teco, benedetta sei tu fra le Donne, e benedetto il frutto del tuo ventre Gesù: Santa Maria Madre di Dio, prega per noi peccatori, adesso, e nell'ora della morte nostra. Così sia.

I Co.

I Comandamenti della Legge di Dio contengono quello, che ognuno è obbligato a fare per salvarsi, e sono dieci -

1. Adorare un solo Iddio .
2. Non pigliare il nome di Dio ' in vano .
3. Santificare le Feste .
4. Onorare il Padre, e la Madre .
5. Non ammazzare .
6. Non fornicare .
7. Non rubare .
8. Non dir falso testimonio .
9. Non desiderar la Donna d'altri .
10. Non desiderar la roba d'altri .

Questi Comandamenti furono dati da Dio nella Legge Vecchia , e poi confermati da Gesù Cristo nella Legge Nuova. I primi tre contengono il modo con cui abbiamo da portarci verso Iddio col cuore, con la bocca, e con l'opere; gli altri sette ci ammaestrano di far bene al

Prof.

Prossimo, e non l'offendere nella vita, nell'onore, e nella roba, nè con l'animo, nè con le parole.

Il fine di tutti questi Comandamenti è la Carità, che comanda d'amare Dio sopra ogni cosa, ed il Prossimo come noi stessi.

I Precetti della Chiesa sono sei.

1. Udir la Messa le Domeniche, e l'altre Feste comandate.

2. Digiunare la Quaresima, le Vigilie comandate, i Quattro Tempi, non mangiar carne il Venerdì, ed il Sabato.

3. Confessarsi almeno una volta l'anno.

4. Comunicarsi almeno la Pasqua di Risurrezione.

5. Pagar le Decime alla Chiesa.

6. Non celebrare le nozze ne' tempi proibiti, cioè dalla prima Domenica dell'Avvento, fino all'Epifania; e dal primo giorno di Quaresima, fino all'ottava di Pasqua.

I mez.

I mezzi, de' quali il Signore ci ha provveduti, per acquistare, e conservare la santa sua grazia, sono i Sacramenti istituiti da Gesù Cristo, e sono sette.

Battesimo, Cresima, Eucaristia, Penitenza, Estrema Unzione, Ordine Sacro, e Matrimonio.

Il Battesimo fa l'Uomo Cristiano. La Cresima dà grazia per diventare perfetto Cristiano. L'Eucaristia nutre l'anima, e la conserva nella grazia di Dio. La Penitenza cancella i peccati. L'Estrema Unzione dà ajuto per ben morire, cancella le reliquie de' peccati, e spesso conferisce la sanità del corpo. L'Ordine Sacro dà la potestà di esercitare le funzioni Sacre. Il Matrimonio dà grazia di allevare cristianamente i figliuoli, e di vivere in pace, e carità.

Le cose necessarie per ben ricevere il Sacramento della Penitenza, o sia della Confessione sono cinque. 1. E.

1. Esaminare bene la sua coscienza.
2. Aver dolore di aver offeso Dio.
3. Fare proponimento di non offenderlo più per l'avvenire.
4. Dichiarare tutti i suoi peccati al Confessore, senza lasciarne nè pur uno.
5. Accettare la penitenza, che viene imposta.

Le cose necessarie per ricevere degna-
mente il Sacramento dell' Eucaristia, o
sia della Comunione sono.

1. Essere affatto digiuno dalla mezza notte.
2. Essere in grazia di Dio.
3. Fare Atti di Fede, di Speranza, di Umiltà, d' Amore, di Desiderio di unirsi con Gesù Cristo.

I Vizj capitali, dai quali derivano
tutti gl'altri peccati sono sette.

Superbia, Avarizia, Lussuria, Ira, Go-
la, Invidia, ed Accidia.

Per

Per astenersi dai peccati giova la considerazione de' Novissimi, e sono quattro.

Morte, Giudizio, Inferno, e Paradiso.

L'opere di Misericordia, che ognuno a proporzione del suo stato, e delle sue forze deve esercitare, sono di due sorte, sette che chiamansi Corporali, sono

Dar da mangiare agl'affamati. Dar da bere agli assetati. Vestire gl'ignudi. Alloggiare i Pellegrini. Visitare gl'infermi. Visitare i carcerati. Sepellire i Morti.

L'altre sette opere della Misericordia, che chiamansi Spirituali, sono.

Consigliare i dubbiosi. Insegnare agl'ignoranti. Ammonire i peccatori. Consolare gli afflitti. Perdonare le offese. Sopportare pazientemente le persone moleste. Pregare Iddio per li vivi, e per li morti.

Le principali virtù, che il Cristiano deve praticare, sono le tre chiamate Teo-
lo-

logali, cioè Fede, Speranza, e Carità :

E le quattro chiamate Cardinali, cioè la Prudenza , la Giustizia , la Fortezza , e la Temperanza .

Gli Atti , coi quali si esercitano le suddette tre virtù Teologali , che debbono spesso farsi , sono i seguenti .

A T T O D I F E D E .

Credo mio Dio fermamente , perchè Voi verità infallibile così avete rivelato alla Santa Chiesa , che siete un Dio solo in Tre Persone uguali , Padre , Figliuolo , e Spirito Santo . Credo , che la seconda Persona della Santissima Trinità , cioè il Figliuolo si fece Uomo nel seno purissimo di Maria Vergine per opera dello Spirito Santo , morì per noi in Croce , risuscitò , e salì al Cielo , di dove ha da venire alla fine del Mondo per giudicare

tut-

tutti, e dare ai buoni per sempre il Paradiso, ed ai cattivi le pene eterne dell' Inferno. Credo ancora tutto quello, che crede, ed insegna la medesima Santa Chiesa; Ed in questa vera, e Santa Fede voglio vivere, e morire.

ATTO DI SPERANZA.

Dio mio, perchè siete onnipotente, fedele, e misericordioso, io spero, che per li meriti di Gesù Cristo nostro Salvatore, mi darete il perdono de' miei peccati, la grazia vostra in questa vita, e la Gloria eterna nell' altra, se farò opere da buono Cristiano, come propongo di fare col vostro santo ajuto.

AT.

ATTO DI CARITA'.

Dio mio, perchè siete sommo, e perfettissimo Bene, vi amo con tutto il cuore, e sopra ogni altra cosa; e più tosto, che offendervi, son disposto a perdere qualunque altra cosa del Mondo, e la vita medesima; e per l'amor vostro amo ancora, e voglio amare il Prossimo mio, come me stesso.

ATTO DI CONTRIZIONE.

Dio mio, per esser Voi somma bontà, e perchè vi amo sopra ogni cosa, mi penito, e mi dolgo di vero cuore di avervi offeso, propongo fermamente col vostro santo ajuto di non peccare mai più per l'avvenire, ed in particolare di fuggir le occasioni prossime del peccato.

O.

EDIT.

EDITTO CIRCOLARE

Molto Reverendi Signori Colendis.

IN adempimento del Real Dispaccio del dì 24. Ottobre 1815., e per un dovere inerente alla nostra Pastorale cura incarichiamo le LL. SS. MM. RR. di esibirci nota distinta degli Ecclesiastici, i quali menassero vita aliena dal prescritto de' Saggi Canoni tanto ne' costumi, e nelle massime, quanto ne' dissimpegni del Sagra Ministero, e nello scandalo, che da taluno di essi si recasse alla popolazione.

Relativamente all' indecenza del vestire, ordiniamo, che, dopo l' elasso de' 15. giorni dalla notifica del presente, restino sospesi dalla celebrazione della S. Messa tutti quegli Ecclesiastici, che faranno uso di cappello a cantarellò, di saraca, di giacchetta, di jorca, di calzoni alla ma-
ta-

talotta, o comparissero in pubblico senza collaro, a tenore del nostro Sinodo Diocesano Cap. IV.

Ci farete sapere altresì, se qualche Chiesastico facesse uso di schioppo, o di altre armi, se vi fossero de' dediti a' giuochi vietati, specialmente di carte; o che in qualunque altro modo profanassero il Sagro carattere, di cui sono investiti. Lo stesso si praticherà pei scandalosi, che fossero di pubblico scandalo, e di prevaricazione alle popolazioni, spargendo massime perniciose contro la Religione, e la sana Morale, affinchè, dopo adoprate i mezzi, che sono nelle nostre mani, si possa da Noi dar parte ai Magistrati secolari, e procedersi secondo le Leggi.

Se nelle rispettive Comuni vi siano Chiese profanate, e soggettate a teatri, e abusi indecenti, e sordidi, lo faranno a Noi sapere.

Fi.

Finalmente ci daranno la notizia , se dalle loro Chiese vi faranno Preti assenti dalla Diocesi , significandoci il tempo , e l'oggetto della loro lontananza.

Tutto si esegua sotto la loro responsabilità , ed attendendo sollecito riscontro su di quanto si è prescritto , le benediciamo , e con affetto ci raffermiamo — Delle LL. SS. MM. RR. — Torre Orsaja 23. Ottobre 1815. — Affezionatiss. servo , e Pastore F. Ludovico Vescovo di Policastro — Signori Arcipreti , e Curati della Diocesi di Policastro.

162

D

35

